

1:110

R

900

RÉSERVE






E

R 900²

R 900²




N 900²

Re ego rufino Pollux maschi
ditore hievi, fideus longi mudi
f. rufino fideus longi mudi
in mudi hievi, fideus longi mudi
f. rufino fideus longi mudi
fideus longi mudi fideus longi mudi
casus fideus longi mudi
fideus longi mudi fideus longi mudi
fideus longi mudi fideus longi mudi
fideus longi mudi fideus longi mudi
fideus longi mudi fideus longi mudi

120-1110

Handwritten text on a piece of paper, partially obscured by a vertical strip of tape. The text is written in cursive and appears to be a list or a series of entries. The bottom of the page features a large, stylized signature or initial, possibly "L.D." or "L.D.", followed by a flourish.



CHIROMAN- TIAE

Theorica
Practica

Concordantia genethli-
ca, Vetustis novitate addita,

41.

In Libris Ito Genovefa Parisiensis.

A V T O R E

Joanne Rothmanno Med. & Philos.

Matth.

Jobi 37. 7.

Barot

Qui in manu omnium hominum signa posu-
it, ut cognoscerent opera eius singuli

ERPHORDIAE

Excudebat, Ioannes Pistorius, Anno



Genovefa Parisiensis Matheomatico excellenti de Auctor.



CLARISSIMIS ET AMPLISS. VIRIS,

Dn. D. GVVIELIHELMO VACHÆO,

Dn. D. ABRAHAMO FABRO,

Dn. M. HEINRICO VVEISBACH, I. CONS.

& Ampliss. Reip. Erpbordianæ à Consilijs.

Dn. 10 ANNI LEONHARDO, CIVI ERPHOR:

Dominis & amicis suis plurimum observandis

S. P. D.

Joannes Rothmannus Anhaltinus D.



*Es creatas quaslibet, Viri clarissimi, signaturis
suis ornavit DEVS in principio, ut in earum
natura & ingenio indagando mens hominis in-
genui sese oblectaret, atq; hinc mirabilia Dei os-
pera confidenter cognoscens, inq; usum ree con-
vertens, ad DEVM ipsum amandum ac toto
pectore celebrandum, ob hanc eius immensam sapientiam ac bonita-
tem, alacriter compellaretur. Inspiciamus cœlum, stellas ac signa cœ-
lestia: inspiciamus animalia in terris, plantas deniq; stirpes, lapides,
metalla &c. Mirum quàm variæ hîc signaturæ sese dent nobis obviâ,
naturam ingeniumvè cuiuslibet tacito sermone proferentes. Vt se-
ptem erraticæ stellæ, quos planetas vulgò nominant, non magnitudine
solum motuq; longè variant, sed luminis etiam splendore: Ita diversa
singulis inest influentia, seu Spiritus vividus perennis, pro diverso situ*

in cœlis, proq̃ diversis radiorum, ab alijs accurrentium, complicationibus ac mixturis, hæc inferiora variè disponens, movens, animans, producens, signans, sustentans. Agnoverunt prisci Philosophi, agnosci-
mus & nos libenter, & infimis suprema, & in supremis infima: In cœlo quidem terrena, secundum causam, modoq̃ cœlesti: In terris verò cœlestia, sed modo terreno: Vnde in terra intueri quidem licet solem, lunam ac cæteras stellas, sed pro qualitate terrena: In cœlo autem planetas, lapides, metalla &c. pro cœlesti natura, vitam habentia intellectusalem. Quo factum est, ut varijs quoq̃ imaginibus cœlum ipsum à priscis sanctisq̃ patribus depingeretur: quiq̃ hæc sacra mundi arcana ingenio complexus erat, apud Hebræos quidem Rabbi, apud Latinos vero Magister nuncupabatur. Sed apud alias gentes ferè universas, ille ipse Magus dicebatur. Hodie magiæ nomen adeò suspectum est odiosumq̃, ut vel ipso Evangelio prius sibi homines interdicaunt, quam illud nomen in gratiam recipiant. Tam pertinacis supercilij censores hoc seculum progeniit, tantum ingenio proprio tribuentes, uti primo intuitu huius mundi arcana immensi, se statim percepisse, sibi persuadeant.

Sed de cœlestibus per pauca exempla videbimus. Serpentarij imago naturam habet serpentis, hoc est veneno necem infert, quoties genituræ dominus, aut Luna ipsa infelicitèr ibi hæret nativitatæ tempore. Idem de Scorpio censendum: sed & eadem imagines abigunt necantq̃ Serpentes ac Scorpiones, araneas, muscas; propulsant venena, pestem: Quoties eas de cœlo deduxeris in chaos terrenum, tempore observato. Animosos reddit Leo: Virgo dociles: Taurus robustos. Honores conciliat Aquila: Lyra Musices ac Poëseos studium instillat: Sagittarius venationibus reddit addictos, & quæ sunt huiusmodi plura, signaturis proprijs insignita: De quibus philosophari ulterius, non est huius loci.

Animalia verò in terris si consideramus, quale unumquodq̃ inge-

nium referat: ex illorum effigie, hoc est, vultu, voce, gressu, ac vestitus
sæpè colore, ut plurimum cognoscimus. Equus gressibus suis superbi-
am propriam prodit: Asinus tarditatem: Leo facie & gressu animosi-
tatem: Ursus ferociam: Gallus & voce & gressu alacritatem: similia
cuilibet non stultissimo ubiq; sunt obvia. Ex inspectione formæ exter-
næ in bestiis, exorta est physiognomia in homine, ut cuius bestię faciem
moresq; homo præ se ferret, eiusdem quoq; ingenium ac natura in illo sit
depræhensa.

Ad plantas descendamus ac stirpes: Ibi theatrum quoddam con-
templandarum signaturarum ingredimur. Exempla adduco. Sola-
trum Vesicatorium (Alkakengi Barbaris dicitur) baccas suas succio
plenas, lapillosis granis refertas, follicula claudit: tacito hoc quasi ser-
mone nobis significans, vim in eo residere expurgandi vesicam ac tar-
tarum lapidemq; in ea comminuendi. Chelidonia non solum sanguinis
madore rubet, inficitq; contrectantem: sed in radice sinus quoq; illa os-
tendit, ad similitudinem sinuum in humano corde efformatorum clarif-
simè: Indicat, efficaciam eius esse ad expurgandum sanguinem, ad il-
lustrandum vitalem spiritum, atq; ipsum cor à venenorum injuria libe-
randum. Cynosbatus, uti quoq; Messylus, ventrem lapillis replet, lapi-
dem in vesica confringentibus. Carduus manus admotus spinis lædit:
sed in corpore humano eius arcanum (astrum alij tale quippiam appelo-
lare solent) punctiones consumit abigitq;. Numulariæ folia epiglottis
da referunt, faucium inflammationibus sanandis dicata: vulgus pru-
nellam nominat. Nux juglans & moscata, cerebri capitisq; compa-
ginem facie ostendit: Proinde cerebro ac capiti studet utraq;. Orbis
testiculos exhibet pro radice: Hinc venerem excitari ab eâ, iudicemus.
Notissimum est, quid Hypericon, quid Persicaria efficiat, respondens
se propria signatura. Sexcenta alia huiusmodi enumerari possunt in
floribus

floribus, seminibus, folijs, radicibus. In herbis, minus odore dotatis, signatur. & hæc manifestius habentur: Odoratiores per olfactum nobis vel cæcis vim suam produnt. In arborum quoq; folijs, corticibus, lignis, radicibus, talia signa conspiciuntur, occultam virtutem, humanis usibus seu morborum medelis accommodatam, manifestantia. Idem ceranere est in Lapidibus ac Metallis.

Hæc si tam clarissima sunt in stellis ac cæli signis, si in animalibus, in plantis, stirpibus, lapidibus, metallis: quis negabit, obsecro, signa ipsa eiusmodi in hominis manu esse ociosa ac vana? Homo est ille, propter quem condita sunt omnia, & in quo cuncta maioris mundi sunt recondita, facie tamen occultiori. Solus ille hoc honore gaudet, quod cum omnibus in universo habeat symbolum, operationem, conversationem, Symbolizat, ut ita dixerim, cum materia in proprio subiecto: cum elementis in quadrisaria corporis compagine: cum plantis in vegetativa virtute: cum animalibus cæteris, in sensitiva: cum cælis, in sidereo Spiritu, hoc est, in motu atq; influxu partium superiorum in inferiores; cum Angelis, in intellectu, sapientia, loquela: cum Deo in omnium continentia ac potestate. Signa igitur in hominis manu, variè adumbrata, nequaquam frustanea iudicemus, sed à Natura ipsa esse in manibus reposita, uti vel hinc etiam opera Dei inscrutabilia nobis aliquo modo innotescerent, si lobo Cap. 37. credimus.

Horum signorum explicatio Chiromantia nuncupata est: de qua tum prisca tum moderni Philosophi canones non paucos adnotarunt; non autem qui omnes incisuras manuum etiam minutissimas, in universum enuclearent: Quoniam id ab humano ingenio remotum est. Ego itidem, Viri clariss. rei pulchritudine motus, canones Chiromantie præcipuos conscripsi, contractim tamen, methodico quodam discursu: aliquos adiciens à me observatos brevi tempore: Tum praxin quoq;
adjunxi.


adjunxi, atq; astrologicam concordantiam in genituris ipsis: Quam ipsam eruditiores, meo quidem iudicio, non leviter laudabunt. Alij haecenus manus tubercula & montes Planetis quidem assignarunt, alij cubietiam discrepante sententia: addentes, ut quam quisq; erraticam excellentiori favore adipisceretur geniturae hora, eius characteres ac signa in proprio monte ac regione, esse illustriora: Sed qui vivis exemplis negotium comprobasset, scio tamen neminem: id quod citra arrogantiam dictum velim. Quocirca ipsemet illud ipsum tento, tentatum convenire video; probo; profero aliquot exempla ac publici juris facio, utinam stylo elegantiori.

Vobis, Viri clarissimi, hoc opusculum offero ac dedico, quod sciam, vos tales esse harum rerum censores, quales exoptare soleo, hoc est, sobrios ac peritos: Quo nomine verbosio rem commendationem laboris mei adhibiti, penitus

supprimo. Bene volo animo ut & haec ipsa recipiatis, &

me quoq; complectamini, vos officiose rogo, Rectissime.

Valete, Erphordiae Mense Febr. Anno ultimi
temporis M. D. XCV.



CHIROMANTIAE

Ratio brevis ac perspicua.



Chiromantia est ratio cognoscendi signa in manu hominis, ac de iisdem scite iudicandi scientia.

Tractationis Chiromanticæ duæ sunt primariæ partes: Theorica ac Practica.

Theorica dicitur, quæ considerat partes manus quali artis *ἡ τέχνη* ac subiectum.

Sunt autem partes ipsius manus, id est, palmæ extensæ ac manus passæ: I. Vola seu pars interior, in qua cognoscuntur certa atq; conspicua methodo lineæ, tubercula, feriens, cavea, Mensæ; II. Digiti quinque: Pollex, Index, Medius, annularis, auricularis.

I. LINEÆ.

Sunt incisuræ à Deo & natura formatæ in internæ manus spacijs & distinctionibus; Suntq; earum aliæ principales; aliæ minus principales.

Lineæ Principales.

- I. *καρδιακή*. Cardiaca, pollicis montem includit & complectitur, Dicitur etiam Linea Vitæ.
- II. Epatica, sive media naturalis, sub radice indicis ab eodem cum cardiaca principio exorians per mediam manum derivatur.
- III. Cephalica seu linea capitis ac cerebri, inferius ex Cardiaca exorians ad epaticam in figuram triangularem deducitur.
- IIII. Thoralis, seu mentalis, seu linea fortunæ, sub monte seu radice digiti minimi exordium sumens indicem versus portenditur.
- V. Restricta seu cauda Draconis, linea ea est, quæ manum à brachio



chio fecernit ac distingvit, transcurfu aut simplici aut duplici. Hæc ipsa τὸ ὑποκείμενον artis determinat; aliàs discriminālis nuncupatur.

Minus Principales lineæ.

Sunt, quæ non omnium manibus insunt, nec cum adsunt, admodum conspicuè enitescunt. Sunt & harum quinque:

- I. Via solis à tuberculo annularis recta deorsum in cavitatem manus exaratur.
- II. Via lactea, à restricta sursum per ferientem porrigitur.
- III. Saturnia per mediam palmæ volam versus tuberculum medij ascendit integra; quæ linea si intercisa ac disereta fuerit, via combusta nuncupabitur.
- III. Cingulum Veneris, hemicycli figura ab interstitio indicis & medij ad spacium illud, quod est inter annularem & auricularem, circumducitur.
- V. Linea Martis seu soror Vitalis, in pollicis eminentia vitali lineæ πνεύματος est.

2. TUBERCULA.

Tubercula sunt, eminentiores sub digitis musculi.

I.	Est Veneris	} in radice }	Pollicis.
II.	Iovis		Indicis.
III.	Saturni		Medij.
III.	Solis		Annularis.
V.	Mercurij		Auricularis.

3. FERIENS.

Ferienst seu percutiens, à feriendo seu percutiendo nomen habens, pars ea in manu est, quam rebus dandis aut recipiendis obvertimus: Estq; inter Thoralem ac discriminalem sub tuberculo minimi digiti hic mons comprehensus, & Lunæ attribuitur.

4. CAVEA

4. CAVEA.

Cavea, spacium illud cavum est, in medio manus vola, in qua tres lineæ principales, cardiaca, epatica, cephalica, triangulum constitunt. Hæc cavea Marti datur.

5. MENSA.

Mensa interstitium illud nuncupatur, quod est inter thoracem ac mediam naturalem. Id spacium Fortunæ datur: Vnde thoralem quidam fortunæ lineam appellant.

VERSVS.

Est pollex Veneris; sed Iupiter indice gaudet:

Saturnus medium; Sol medicumq; tenet.

Hinc Siilbon minimum: ferientē candida Luna

Possidet: in cavea Mars sua castra locat,

Illud hic pretereundum non est, discrepantiam esse quandam apud autores, de locis Martis, Veneris ac Mercurij. Quidam pollicis tuberculum Marti dedicant, Mercurio caveam, Veneri minimi regionem. Ego ut facilius me expedirem, corpori in primis observare homines venereos, id est, iocosos, venustos, hilares, agiles, Musicæ amantes &c. Apud hos pollicis regionem signis planè decentibus, pulchrisq; notis ac characteribus insignitam depræhendis: Idq; non sine natalitia Veneris luxuria, sive sub proprijs prærogativis, in cœli loco competentis, collocatæ; sive obtutum optabilem alterius erraticæ obtinentis. Idem studium mihi fuit de Mercurio. Relicta est igitur Marti cavea.

CHIROMANTIAE PRACTICA.

Practica Chiromantiæ ea est, quæ colligit prædictiones probabiles ex lineis, locis planetarum in manu, atq; ex notis passim per manum digitosq; collocatis.

*Series igitur hac methodi causa
observetur.*

I	Cardiaca.	XII	Cavea Martis.
II	Epatica.	XIII	Mons Iovis.
III	Cephalica.	XIIII	Mons Saturni
IIII	Thoralis.	XV	Mons Solis.
V	Restricta.	XVI	Locus Lunæ.
VI	Via Solis.	XVII	Mons Mercurij.
VII	Via lactea.	XVIII	Mensa seu locus fortunæ.
VIII	Via Saturnia.	XIX	Pollex.
IX	Cingulus Veneris.	XX	Index.
X	Via Martis sive soror Martia.	XXI	Medius.
XI	Mons Veneris.	XXII	Annularis.
		XXIII	Auricularis.

QVÆSTIO.

An ex dextra vel sinistra indicandum.

Constat apud omnes, in alterutra manu, lineas ac reliqua signa sapissimè esse manifestiora, concinnitateq; sua magis perspicua, tam in masculo, quam in foemina. Quæstio itaq; hinc oritur, an in utroq; sexu dextra sit adhibenda, an vero sinistra: Aut num in viro dextra, ut quidam docuere, num in foemella, sinistra tantum.

Responsio. Ea manus ad indicandum introducenda est in utroq; sexu, quæ lineas monstrat exhibetq; clarissimas, characterumq; ac signorum serie abundat: Ita tamen, ut subsidio quoq; veniat altera, lineis obscurior. In ambabus manibus si perspicuè ac concorditer enitescent lineæ, fortunæ ac sanitatis constantiam declarant. Causam huius diversitatis accipe. Qui de die matris ex utero prodijt, planeta masculo (♂) genitoræ dominatum obtinente, is in dextra signa notabiliora gerit, in pueris ascendente

cendente quod signo masculino. Contrarium accidit natis de nocte, planeta foeminino dominante, & eiusdem sexus signo oriente. Ambae manus si convenerint, necesse est, ut in diurna nativitate planeta foeminini dominantur, aut mixtura inter masculinos ac foemininos coincidat: Sic itidem in nocte, ratione contraria: Quae ipsa diversitas observari debet.

I.

DE LINEA VITAE.

Hac etiam Cardiaca & linea cordis dicitur.

I. Ampla ea, vivo colore perspicua, & decenter suis metis producta sine intersectionibus ac punctis, vitam longam ac paucis morbis obnoxiam indicat.

II. Exilis, brevis, obversis lineolis dissecta, coloreque aut livido aut nigro deformata: Virium imbecillitatem, adversam valetudinem, ac vitae breviter videtur praefagire.

III. Si media naturali legitime coniungitur, atque in angulo parallelis aut parvula cruce insignita fuerit, ingenii bonitatem, naturaeque aequabilitatem ostendit.

III. Eadem ramos extendens versus mediam naturalem in superiori parte, divitias & honores significat.

V. Eadem ramos extendens versus restrictam, paupertatem notat, domesticorum infidelitatem atque insidias.

VI. In hac linea confusae lineolae quasi capillamenta quaedam si reperiuntur, morbos designari putato: Infra in prima aetate: juxta caveam in media: Epaticam versus, in aetate declinante.

VII. Eadem disrupta alicubi, periculum vitae extremum designat ea in aetate, quam locus hiatus ostendit: Annos autem aetatis morbos ad unguem ferè invenies, si linea hac in LXX partes divisa, ab eius infima parte, juxta restrictam, inceperis numerationem: quotum numerum incisurae monstrant, eum pro aetatis annis reserves.

VIII. Solis character, ut pingitur vulgo ab Astrologis, si in hac linea reperitur, alterius oculi amissionem prælagit: Sin bini junctim fuerint reperti characteres ejusmodi, amborum.

IX. Linea quædam è vitali, infra epaticæ vitalisq; congressum, ad Saturni tuberculum ascendens, hominem designat *επιχαιρέτων* aliarum situ concurrente: Sæpe eo posito morbum Saturnium periculofum indicat, ut pestem, &c. — qua in parte vitalem attingit, peius indicium est, si eandem dissecat.

X. Talis vero linea ad annularem è vitali transiens, honores concernit obventuros à muliere splendida sive Regina aliqua; aut heroinæ alicuius favorem lucrosum.

XI. Linea vitalis crassa in fine supra modum sub indice, laboriosam notat senectam.

XII. Linea quædam per vitalem transiens in Martis caveam, vulnera febresq; obnunciat, atq; in peregrinationibus infortunia.

II.

DE EPATICA SEV MEDIA NATURALI.

I. Hæc linea recta, continua, nec obversis lineolis dissecta, optimam valetudinem notat.

II. Si curva fuerit, ac concavum manus non exierit, morbos ac vitæ brevitatem ostendit.

III. Quanto productior erit hæc linea, tantò vitam longiorem pollicetur.

IIII. In fine dissecta per intervenientem lineolam, egestatem in senectâ.

V. Si satis amplo spacio distat à vitali, in superiori parte, cordis intemperiem significat, ut palpitationem, syncopen, &c.

VI. Sic etiam formata, prodigalitatem notat, maxime si adest mensæ amplitudo.

VII. Tortuosa, inæqualis, diversi coloris, ac dissecta, epatis malam

4
lani constitutionem arguit; ac proinde morbos, qui ex epatis debilitate
proveniunt. Tum sic avaritiam ac naturæ pravitatem ingenij
arguit; præsertim si è regione mediæ cardiacæ adhæret, triangulum
angustum efficiens.

VIII. Decenter producta ac bene colorata, hilaritatis ac boni ingenij
signum est.

IX. Sororem si habet aliquam, hæreditates pollicetur.

X. Duris quibusdam nodulis continuata, juxta nodorum numerum
homicidia vel perpetrata vel perpetranda demonstrat.

XI. In eadem si crux reperiaur è regione mediæ, mortis vicinitatem
nunciat.

XII. In furcam bifidam desinens, ferientem versus, pravi ingenij,
hypocrisis, ac morum illaudabilium signum præbet.

XIII. Quando hæc linea tendit ad mensalem, maledicentia atq;
invidia nota est.

XIII. Rimam notabilem cum projecerit per vitalem ad montem
Veneris Martisq; sororem, maximè rubicundat à latronibus præcavendum
esse docet; quin hostiles quoq; insidias subindicat.

XV. Hæc etiam nota vehementiorem epatis fervorem à radijs
Martis provenientem insinuat, vnde & vitæ status subinde turbari
solet, quod linea vitalis dissecatur.

XVI. Hæc linea hiatus quendam ostendens, ita ut continua ferè
videatur, vitæ genus mutandum vel mutatum docet; sub annulari,
in ætate declinante; sub medio, in virili, &c.

III.

DE CEPHALICA.

I. Hæc linea capitis ac cerebri dicitur; quæ si debita proportionem
è loco suo exordiens, lineas epatis & cordis triangulari modo
connectit, vivo colore haud deficiente, nullaq; interveniente intersectione;
mirandæ prudentiæ atq; haud vulgaris ingenij fortunæq;
hominem declarat.

2. Quanto

II. Quanto autem concinnior fuerit triangulus, tanto felicius temperamentum ingeniumque cum animositate significat. Obtusus, malam naturam dispositionem, rudemque hominem arguit. Si deest prorsus, peiora decernit, puta stultum, prodigum, mendacem, sapientissime vitæ brevitatem.

III. Angulus superior rectus, nec acutus admodum, optimum cordis temperamentum prædicit: Nimis acutus, præsertim est regis one mediæ vitalem attingens, avaritiam.

III. Angulus sinister ad mediā naturalem inferente, si rectus est, bonitatem intellectus confirmat.

V. Sed linea cephalica in Lunæ montem inæquales & in compositas rimulas proiciens ad insuetos characteres: in viro cerebri debilitatem ac pericula circa navigationes denunciat; in foemina vero frequentes animi dolores, atque in partu labores.

VI. AEquales lineæ sic projectæ, contrarium in utroque sexu præfagiunt: In viro videlicet bonam cerebri compaginem, ac feliciam navigat in foemina hilaritatem, inque partu felicitatem.

VII. Peculiare est Cephalicæ, si rimam vel stellam conspicuam sursum protendat in Martis caveam, audaciam cum animositate significat: Sin eandem deorsum demittat, furta ac fraudulentiam.

VIII. Caudæ Draconis coniuncta cephalica, notabili concursu prudentem ac latam senectam pollicetur.

IX. Eadem in furcam deducta superius, versus locum fortunæ, in rebus gerendis versutiam significat ac calliditatem in bonam malamve partem.

X. In ipsa furca si reperta fuerit nota, quali pars fortunæ denotatur ab Astrologis, divitias & honores ab ingenio artibusque provenire existima.

IIII.

DE LINEA THORALI.

I. Hæc linea fortunæ etiam nuncupatur. Dicitur etiam mentalis,

5
salis, quod mensam in manu constituat. Quæ si longa satis sine incisionibus producit, membrorum in homine principalium robur debitum, ac constantiam arguit: Brevis, contorta, incisa & discreta, contrarium docet.

II. Infra Saturni montem desinens vanum ac mendacem ostendit.

III. In Iovis montem ramulos proiciens, honores pollicetur.

III. Nuda ac simplex eodem in loco, paupertatis atque inopie nota est.

V. Montem Iovis prorsus secans, animi crudelitatem portendit iraque magnitudinem.

VI. Inter indicem & medium si rimam projecerit, viro vulnus in capite signat; mulieri in partu periculum.

VII. Tres lineæ ab hac ascendentes directe sursum, ad interstitium medij & indicis tum ad intermedium spacium medij ac medici, & ad interstitium denique medici & auricularis, contentiosum multis fariam arguit.

VIII. Vna lineola sola sic ad interstitium medij & annularis deducta, angustias ac labores.

IX. Annexa medię naturali, ita ut angulum acutum faciat, angustias ac labores affert.

X. Si deest media naturalis, & thoracis annectitur vitali, capitis truncationem aut lethale vulnus minatur.

XI. Mensali carens omnino, malevolus, contentiosus, parvæ fidei, inconstantis animi ac morum ignobilium homo dijudicatur.

XII. Lineolæ confusæ in mensali repertæ, ægritudines notant: Sub Mercurio in prima ætate: Sub Sole in vita florente: Sub medio, in senectâ.

XIII. Puncta quædam in hac ipsa quoties conspiciuntur, robur genitalium, libidinemque exin ardentiusculam monstrant.

V.

DE CAUDA DRACONIS SEU RESTRI

CTA, LINEIS QUE AB EA SVRGENTIBVS.

C

I. Si

- I. Si duplex aut triplex inventa, æquali, recte, ac continuo tractu deducatur, bonam corporis compagem denunciat.
- II. Quæ manui propior est linea, si continua fuerit & bonicoloris, divitias promittit.
- III. Eadem linea intercisa, tortuosa ac multum pallida, corporis debilitatem rerumq; egestatem notat.
- III. Crux aut stella supra restrictam, vitæ tranquillitatem in senio nunciat.
- V. Stella vel simplex vel duplex, aut lineæ quædam propè pollicis montem si adsunt, à mulieribus infortunium infamiamq; concernunt.
- VI. Linea quædam à restricta Veneris montem pertransiens, adversitates præfagit à consanguineis, vel uxoris gratia.
- VII. Linea quædam è media restricta ad montem Lunæ extensa, adversitates notat inimicitiasq; occultas. Tortuosa ea si fuerit, malum duplicat: quin imo perpetuæ servitutis indicium est.
- VIII. Talis etiam linea si clara est ac recta, ad Lunæ regionem usq; protracta, multa decernit itinera terræ mariq;.
- IX. Talis etiam ad indicis montem ascendens, extra patriam visiturum hominem decernit in magna exultatione.
- X. Talis etiam ad mediam naturalem usq; ascendens, morum integritatem ostendit, vitæq; longitudinem promovet.
- XI. Talis eadem, si simplex siue duplex, ad solis tuberculum extensa, insperatum bonum indicat, magnisq; rebus præficiendum docet.
- XII. Eadem ratione ad Mercurij montem abiens illa, aptum multis rebus ostendit hominem: Sed Mercurij montem si non attingit, ac decurtata circa mediam infraq; Mercurij tuberculum desinens, loquacem ut plurimum notat ac mendacem susurronemq;.
- XIII. Ad Saturni montem directo ductu ascendens, significat bonam Saturni positionem in genitura; cuius decreta paulo post sequuntur. Tortuosa autem tum versus restrictam, tum etiam post mediam naturalem in primis, notat subavarū, laboriosum, duriusculū.

VI. *DE VIA SOLIS.*

Hæc integra & æqualiter deducta, ac bene colorata, favorem Magnatum, honoresq; latos promittit: Dissecta & inæqualis, contrarium & in honoribus adipiscendis varia impedimenta invidiamq; obijcit.

VII. *DE VIA LACTEÆ.*

Hæc bene proportionata ac continua, felices peregrinationes terræ ac mari nunciat: Cerebriq; insuper bonitatem, mulierum gratiam astipulante Venere, sermonisq; compositionem ac gratiam: Sed secta, distorta, infelicitatem ac mendacia arguit. Integra vero ad auricularem usq; ascendens, magnæ felicitatis argumentum est.

VIII. *DE LINEA SATURNIÆ.*

- I. Plena & integra, ad medium digitum protracta, tum cogitationum profundarum, tum etiam felicium eventuum in consilijs & actionibus argumentum est.
- II. Combusta seu deficiens, malum est signum, infortunia multa portendit, nisi aliæ positiones faveant.
- III. Recurvata in manus concavo in semicirculum versus ferientem, carcerem notat.
- IIII. Linea quædam è vitali per epaticam ad Saturni tuberculum deducta, si ibi Saturniam attingit, itidem carcerem minatur.

IX. *CINGULUM VENERIS.*

Intemperantiæ ac libidinis nota est tam in viris quam in
C 2
fœminis

foeminis: sordidumq; arguit in congressu Venereo, sororem si habet aliquam, hominem impurissimum monstrat, qui etiam consuetudinem cum bestiis non abhorreat. Hoc cingulum dissectum turbatumq; in Saturni, ob libidines damna infamiamq; prædicat.

monte

X.

SOROR VITALIS SEV VIA MARTIS.

Hæc linea quoties apparet, significata cardiacæ auget corroboratq; Peculiariter vero successum prosperum pollicetur in militia, sic tamen clara ac decenter rubicunda.

Observationes. Duae de Lineis.

I. In omnibus lineis probè observetur earum quantitas, id est, longitudo ac profunditas: Tum qualitas, hoc est, color ac figura seu curva seu recta: Demum actio quoq; quæ est alias lineas tangere & dissecare: Et passio, quæ est ab alijs tangi & dissecari. Locus demum ac positus diligenter evolvatur.

II. Certum est, lineas ad certa ætatis tempora iam ampliari, iam coarctari; iam iterum pallefcere, iam vero rursus florescere ac rubore quodam quasi luxuriare; idq; tam in principalibus, quam in minus principalibus. Rursus de minus principalibus, ijsq; quæ in planetarum montibus reperiuntur, constat, evanescere iam alias, prorsus, iam alias alia facie suboriri.

Causam eius rei deprehendo aliam nullam, quam locorum apheticorum in genituris ipsis varias progressiones, faustas scilicet atq; adversas, quarum influxui homo ipse subiectus mirabiliter, signa illa in manu ipsa, diversis temporibus, diversa facie monstrat. Tanta vis tantusq; AMOR in imaginatione maioris mundi erga microcosmum residet.

Idcirco Chiromantiæ studiosus unica in

specie,

specfione, ad unicū certūq; ætatis annū, negociū de singulis assequi non potest. Res notatu dignissima, paucis cognita aut probata.

DE PLANETIS.

Planetæ quoq; suis à locis censuram haud levem suppeditant: Hi si felices ac benevoli sunt, bona significant: sin infelices ac contumaces, tunc mala inferunt. Notandum autem, Planetas benevolos felicesq; nuncupari eos, in quorum montibus ac locis lineæ consuetæ, æquales, ac characteres pulchri & proportionati deprehenduntur. Tales sunt, crux: stellæ; lineæ parallelæ tres vel quatuor; scalæ; ramuseuli; quadrangulus; Iovis character. Contumaces verò atq; inauspicati planetæ sunt, quorum montes ac loca turbatis lineis atq; insuetis figuris dedecorantur. Tales sunt, semicirculus mutilus & interruptus: craticulæ; Saturni character, capillamenta. Estq; hoc notandum de omnibus lineis in manu. De Planetis nunc agamus juxta ordinem propositum.

XI. VENUS.

Venus benè feliciterq; affulgens, quando scilicet in proprio monte stellam claram exhibet, aut sulcos rubicundos transversim parallelos, & quoties monticulus eius probè est elevatus: efficit homines lætos, hilares, luxui deditos, amabiles tamen; gratos, venustos ac libidinosos, probos etiam ac iustos, apud quos integrum & incorruptum cœptæ amicitiae vinculum permanet. Corpus autem reddit longiusculum, candidum; oculos largitur gratos, venustatis splendore fulgentes, illecebrosulos; capillos verò crispis spissosq; ut plurimum, sed molliter etiam flexos: Mundos reddit ac nobiles animos instillat. Sæpe jactabundos atq; incontinentes:

Animum ergo proclinat ad Musicam, Pictoriam, quæq; artes pulchritudinem quandam referunt. Interdum pro genituræ mensura Sacerdotes efficit, ac gymnasiarchas, aromatarios, hortícolas, &c.

Eadem autem inauspicata, lasciviam infert & incontinentiam, jactantiamq;. Crux etiam propè primam pollicis juncturam, adulterum designare consuevit, aut cui in re vxoria infelicitas obtingat. Veneris locus si planè est incultus inciturisq; vacuus, effœminatum decernit, rudem ac tristem, atq; ad hilaritates iocosq; ineptum planè ridiculumq;.

XII.

M A R S.

Mars præst felicitèr, quoties Soror Martia rubicunda, clara ac decenter producta conspicitur, stellæq; aut crux in eius cavea inveniuntur. Sic igitur designat audaces, animosos, imperterritos, bellicosos, contentiosos, atq; non facile mobiles; fortes, edaces, imperiosos; capillos largitur ut plurimum rufos, oculos verò è nigris rubescèntes, ac truculentos. Cum Iove participè possidet fel, renes, dorsum, epari; & cum Venere, pudenda &c. Hic idem contumax & infelix, quando scilicet eius signa ac locus sunt turbati &c. concernit litigiosos, violentos, deceptores, iracundos, intollerabiles. Res liquis etiam dissentientibus, latrones, sanguinolentos; Aut qui artes suas igni ferroq; exequuntur. Circa uxorem, filios, amicitiasq; infideles. Quin febres quoq; sic positus ingenerat, itemq; pustulas, oculorum cutisq; fœditatem, apoplexiam, ignem sacrum, vulnera, cogitationes turbidas.

In Martis cavea si Saturniæ particula quædam cernitur, præcipitium minatur. Ex eadem cavea si ascendit linea quædam tortuosa ad Saturni tuberculum, carceres portendit.

Peculiariter, linea quædam è Martis cavea versus restrictam deducta, sed in ea eius parte desinens, quæ Lunæ loco subiacet, multarum peregrinationum nota est certissima.

XIII.

I V P I T E R.

Iupiter

8

Jupiter feliciter præstò est, quando in regione sua, signa auspiciata exhibet, hoc est, si ibi adsunt, stella aut duplicata crux, linea parallela, linea à vitali ad eius tuberculum decenter producta &c. Dæcernit sic nobiles, gloriosos, honestos, benevolos, affabiles, honoratos, latos, spectabiles, mundos, justos, æ quos, formosos ac formidabiles, felicesq; quiq; pulchris oculis spissisq; capillis conspiciuntur, ac cum gravitate incedunt, demum qui sunt verecundi ac promissa servant. Hi ipsi maximis dignitatibus præficiuntur ac magnorum virorum conversationibus sollicitantur, uxoribus, filiis, honestis, probisq; hominibus magnopere favent &c. In homine Jupiter habet epas, sanguinem, costas, pulmones, cartilagineas. Infelix si fuerit, sæpe hominem de statu deiecit in calamitates. Craticula eius in monte, à mulieribus, potentioribus præsertim, damnum nunciat. Aliàs ita constitutus, affert dolores cordis, spasmodum, peripneumoniam, & quæ vitia ex ventositate promanant. Linea quædam si transversim montem eius scindit, & ad Saturni locum abiens atq; capillamenta ibi faciens, apoplexiam notat. Peculiariter si crux aut stella clara ac rubicunda in eius monte cernitur, honores splendidos designat, divitiasq; ex publicis munijs & à principibus viris pollicetur.

XIIII.

SATVRNVS.

Saturnus feliciter collocatur, quando lineam Saturniam integrè ad eius regionem traductam invenimus. Minus autem, quoties auspiciatos alios characteres exhibet: Infelicissime, si turbata atq; inauspicata signa ostendit. Imperat lieni, oisibus, vesicæ. Felix, efficit homines quidem taciturnos, sed providos, boniq; ac profundi consilij, cogitabundos item ac subtristes designat, quiq; tacito spiritu insistantur, & ad honores aspirant. Corpore ij sunt extenuato, longiusculo, pallido ac ferè languido, capillis denigratis, oculis profundis: felices reddit in agricultura & reb; metallicis. Ab vxorib; ac re Veneræa magis sunt alieni, & ad risū iocosq; ferè inepti, tū tenaces quoq; atq; sollicitudine pl; iusto laborantes, &c. Infelix autē & contumax, Saturnus efficit tristes, laboriosos, sordidos, humiles, avaros, infideles, mendaces,

mendaces, infelices, malitiosos, & doloribus anxietatibusq; perpe-
tuis implicatos ac pressos. Sic quoq; morbos difficiles imprimi-
t, catharros, phtisin, melancholiam, hypochondriacam, hydropisin,
podagram, caducum, febrem hecticam ac quartanam: Adducit
etiam carceres, casum e locis æditioribus, & in aquis vitæ periculum.
Linea grossa, ab interstitio mediæ & indicis ad mensalem pergens
eamq; interrumpens, inferiori in ventre, aut morbos aut vulnera
designat.

XV. S O L.

Sol si feliciter præest, facit homines fidei plenos, ingenuos,
honoratos, elatos, sapientes, humanos, relligiosos, æquos, mode-
ratos, annosos, quiq; negocia sua semper non sine honestate pera-
gunt. Corpus compactum largitur, & flavedine capillorum ho-
nestat. Dominatur cordi, diaphragmati, nervis.

Infelix autem, reddit superbos & elatissimos, iniquis rationi-
bus sibi ad dignitates aditum patefacientes, jactabundos, immode-
stos. Infert ita fluxum ad oculos, lationem oculorum orisq; cordis
tremorem, Syncopen, &c. Via Solis læta apparens, honores in
rebus politicis significat, principumq; gratiam ac favorem: Contra
turbata & inauspicata, honores impedit, & principum iram odi-
umq; concernit.

XVI. L V N A.

Luna felix, facit splendidos, honestos, honoratos, magnos
corpore, sed proportionato tamen, candido & pulchro, placidos
item ac libenter peregrinantes & ad aquas ambulantes. Reliquis
aliquomodo dissentientibus, inæqualem vitam reddit, nec admo-
dum

dum stabiles actionum successus, sed tamen in melius plerumq; sese vertentes. Præest cerebro, stomacho, ventri. Inauspicata vero designat maximè inconstantem vitæ ac valetudinis tenorem, dolores anxietatesq; auget. Sic etiam affecta, affert paralylin, membrorum commotionem, sæpe epilepsiam, cancerum, corporis maculas, colicos cruciatus, & quicquid ex frigoris humiditatisq; abundantia promanat; magisq; hæc significata eventui respondebunt, quoties lineæ, in Lunari tuberculo repertæ, valdè pallidæ conspiciuntur. Peculiariter, pulchræ notæ ad ferientem, felicia designant viro in peregrinationibus, legationibus, terris alienis: Fœminæ in partu felicitatem ac fœcunditatem. Contrà faciunt omni-
nosa signa,

XVII. MERCVRIVS.

Mercurius felix ac fortunatus, reddit ingeniosos, scientiarum cupidos, secreta rerum investigantes, aptos ad artes quaslibet, Oratores, Poëtas, facundos, callidos, versutos, ad dociles; Mathematicos, Arithmeticos, mercaturæ deditos, &c. Præest linguæ, memoriæ, &c. Infelix si fuerit, leves facit, mendaces, garrulos, fures, deceptores, instabiles, infideles, proditores &c. Concitat morbos siccissimos, maniam, furorem, febres acutissimas pro reli-
quorum consensu.

Cum autem uniduntaxat planetæ dominium rarissimè cedat, sed familiaritas duorum, trium aut quatuor sæpe coincidat; causæ in eorum decretis enucleandis procedendum est. Mixturas vero illas ritè disponere ac proferre, res sanè difficilis, præsertim parum excitatis; quoniam mixturæ eiusmodi sunt ferè inscrutabiles in universum.

Attamen expeditius hac in parte est negotium, claræ ubi sunt lineæ ac signaturæ: Obscuriores autem, intricatiora decreta reddunt,

XVIII.

MENSA SEV LOCVS FORTVNÆ.

- I. Hoc spacium amplum ac latum figura decenti, hominem ostendit liberalem, magnanimum, longævum.
- II. Angustum verò ac parvum, exilem fortunam ac tenacitatem cum timiditate arguit.
- III. Crux aut stella clara ac proportionata hoc in loco, ac præsertim è regione medici, honores dignitatesq; à Magnatibus obventuras monstrant in viri manus: character Iovis ibidem, insignia Ecclesiasticarum administrationum denotat ornamenta.
- IIII. Eadem vero crux aut stella triplicata, significata bonæ fortunæ excellenter auget: Vti eadem confusis lineolis dissecta, fortunam evertit, anxietatesq; ac labores in præsentibus honoribus tuendis prædicat, præsertim è regione annularis.
- V. In extremitate mensæ crux vel stella, felices indicat peregrinationes.
- VI. Mensa acuminata per thoralis atq; cardiacæ concursum, insidias ac vitæ periculum indicat.
- VII. Nulla mensa in manu si reperta est, vitæ fortunarumq; obscuritas monstratur.
- VIII. Bonæ lineæ & æquales hoc in spacio, fortunam bene collocant; malæ & incompolitæ, evertunt.
- IX. Circulus parvulus in mensa, notat ingenij perfectionem consummatasq; scientias; cæteris tamen astipulantibus.

XIX.

POLLEX.

Intra unguem pollicis ac juncturam, transversæ lineæ; claræ, longæ; divitias atq; honores pollicentur.

A supremo pollicis articulo linea decurrens ad cardiacam, violentam hominis mortem notat; aut ab uxore aliqua periculum.

Lineæ

Lineæ sparſæ paſſim in imo pollicis articulo, contentioſos denotant iurgiſq; gaudentes.

Linea circundans pollicem per mediam juncturam, ſuſpenſum portendit. A Equales fulci ſub articulo pollicis infimo deducti, opes ac poſſeſſiones arguunt. Prima & ſecunda junctura ſi inciſuris carent, ſomnolentiam designant ſocordiamq;.

XX.

INDEX.

In extremo articulo complures lineæ tranſverſim procedentes, hæreditates notant. In medio articulo eodem modo curren-
tes, invidiam malevolentiamq; hominis produnt.

Eodem loco, lineæ rectæ inter juncturas deductæ, prolis numeroſitatem declarant in foemina: In viro linguæ amarulentiam. Rectæ lineæ in primo articulo propè Iovis montem, Iovialem naturam confirmant; h, e. eum monſtrant, cui Iupiter in genitura bene affulget.

Quæ mulier eodem in loco ſtellam habet, impudica ac laſciva pronunciatur.

XXI.

MEDIVS.

Hic craticulas in juncturis oſtendens, ingenium infelix ac melancholicum planè, declarat. Lineæ æquales in hoc digito, fortunam in venis metallicis nunciant.

Stella ibidem, mortem violentam obnunciat ex ſubmerſione, veneficijs, &c. Linea groſſa à radice huius ſi extenditur ſuſum per totum digitum uſq; ad finem juncturæ ultimæ, fatuitatem & inſaniam monſtrat.

XXII.

ANNULARIS.

D 2

Linea

Linea quædam à monte Solis exordiens rectoq; tramite per juncturas ascendens, famæ splendidissimæ argumentum est.

Æquales lineæ in prima junctura, honores ac divitias denotant. Transversæ, principum inimicitias notant: quæ tamen si intersectæ videntur, bonum est, quoniam impedimenta arguunt.

XIII.

AVRICULARIS.

Ex hisce juncturis, ut ex monte ipso, de mercatura ac favoribus, fiunt judicia ac censuræ. Stella in prima junctura versus tuberculum, ingenium arguit ac facundiam. Reliqua signa obtusa, contrarium notant: Quin imò inauspicata signa in prima ac secunda junctura, furem ac fallacem hominem ostendunt. Lineæ adversæ in extremo articulo, incontinentiam diuturnam præfagiunt.

Quidam de numero conjugum pronunciant ex lineolis, in Mercurij monte ad manus extremitatem positis: Ego quidem sæpius id cum rei veritate congruere vidi: Sed tamen audacter aliquid hac in parte confirmare nolo, quod hoc negocium ad Venerem spectet, eiusq; dispositionem.

Hic digitus, si summitate sua non attingit ultimam juncturam medici, uxorem per omnia imperiolam aliquibus significat: Probari hoc potest ferè à quovis.

Observationes duæ de montibus ac digitis.

I. Ut montes ornati bonis figuris ac characteribus, bonum omen referunt: Sic etiam digiti. Lineæ turbidæ atq; inconcinne, semper malum præfagiunt, tam in digitis, quàm in montibus, nisi à contractu bonarum linearum coërceantur.

II. Docent confirmantq; Chiromantici, primum articulum digiti montem versus, primæ ætatis; secundum florenti vitæ, extremum senectuti tribuendum. Notas autem repertas, juxta Planeta-
larum

11

tarum naturas esse explicandas: Vbi tamen, ut antea monuimus, directiones seu progressiones locorum, in cuiusq; genesi principium, suo tempore sua monstrare signa atq; characteres, siue faustos siue minaces, firmiter teneamus.

CHIROMANTIAE PRACTICA

Specialis ac concordantia genethliaca in

exemplis xix.

Legeram ego apud Autores, characteres locorum linearumq; facies conformari pro planetarum praesidentium positione atq; habitu in cuiuslibet genitura: Probavi, nec statim id negavi mecum: sed qui exempla protulisset concinnassetq; hoc in negotio, neminem repperi. Hinc experiri ego id tento conatu ardentiori, quò huius scientiae fides & apud me & apud alios simul, plenissimè comprobata atq; indubitata maneret. Quocirca cum unū atq; alterum exemplū ad concordantiam suam constare perspexissem, avidiori indagine mox plura colligo conciliatione facta, quorum tibi, Lector ingenuè, iam xix, ad oculos pono: Lege, intellige, iudica: Inscius aut discat aut taceat; Invidus valeat: Cuicumq; placuerit, hæc ipsa abijciat.

EXEMPLUM I.


Nascitur quidam Vratislaviæ A. C. 1567.

Augusti d. 17. h. 12 $\frac{1}{6}$ p. m.

Vita longæva futura est, morbisq; rarius obnoxia. Crasis maiori ex parte phlegmatica est, ut vulgò loquuntur, Mercurius in proprio domicilio angularis, ingenio minimè deest. Medium Coelum Iovis benignitate triangulariter circumdatum, lætos facilesq; afflat honores, sine impedimentis. Mars in duodecima sub Mercurij hospitio, Mercurium ipsum de quadrato impugnans, Musas impedire conatur per homines præsertim Martiales, quiq; mercaturæ sunt dediti, &c. Venus egregiè itidem collocata est, & felix connubium & proles numerositatem conciliatura.

D 3

Divitiarum



Divitiarum augmentum reperimus ex connubio, tum quoque ex proprijs
servitijs officiisque aliorum causa honeste susceptis. Nec carceris nec mortis vias
levis indicium ullum iam reperiri licet. Infortunium autem aut a latronibus,
aut ab animalibus maioribus praevidendum aliquando. Peregrinationes in pri-
ma ac media aetate, futurae sunt satis frequentes, famosae, honorificae, lucrosae.

Haec si ad manus lineamenta traducimus, convenientiam videbimus.

I. Mons Veneris sulcis suis insigniter conspicuus, Veneris optimam posituram
in genesi monstrat. Hinc quae Veneris sunt, ipse ad iudicium concinnandum collige.
II. Tres clarae lineae in prima minimi junctura, Mercurij praesidium docent:
subvenit huic negotio triangulus appositus descriptus. Unde ingenium opti-
mum, moresque probatissimos concipimus.

III. Habet & Solis locus suas lineolas haud ineptas, honoribus faventes. Idem
Sol in genitura angularis conspicitur in Iovis sexangulo partiti.

III. Adversus

III. Adversitates morbosq; aliquos offendit Saturnus per suas incisuras in proprio monte, sed leviores tamen.

V. Liberalitatem naturæ confirmat iusta amplitudo mensæ.

VI. Saturnia ad Epaticam usq; traducta, indicat mores probatos, iudicii rectitudinem longævitatem.

VII. Honorum amplitudinem indicat Mons Iovis, decenter incisuris ornatus.

VIII. Crux propè ferientem, felices atq; honorificas peregrinationes arguit: Aliàs Lunæ regio hoc tempore fuit inculta.

IX. Honores ac fortunam benè collocat crux in mensa subsolari digito, sed incisura ab eadem demissa per epaticam, damna rei familiaris in senio videtur indicare. Summatim: Primariæ lineæ, optima conformitate dotatæ, membrorum in corpore principalium robur designant, ut ex genitura quoq; apparet. Non est consilium nostrum, omnes incisuras in universum vel appingere vel examinare, præsertim minutissimas per digitos, aut restrictam ipsam. Satis est, significata principalium linearum ac characterum ad natalitia sidera eorumq; decreta rectè accommodasse: Ita ut cætera cuiusq; sagacitatè sæpè committantur.

EXEMPLVM II.

Natus est quidam Spurius in territorio Vratislaviensi, parentibus ignobilibus, A. C. 1590. Febr. d. 2. st. novo h.) $\frac{1}{2}$. p. m.


Hunc puerum quàmprimum in itinere conspexi, de eius natali tempore statim quæsi vi. Vix enim quartum ætatis annum is ingressus, liberalem admodum formosamq; faciem ostendebat. Illegitimothoro natum intelligens, diligentius manus delineationem observabam describebamq;. Illæ igitur signaturæ in manu quàm pulchrè ad sidera natalitia quadrent, breviter videbimus.

Invenimus quatuor aut quinque erraticas excellenter collocatas, sic ut regia genesis verè dici possit, Ven^a ipsa angularis est sub propria sublimitate, atq; insuper ab ipso Iove ex domicilijs recepta. Eadem
domiciliorum

domicilium^{or} permutatio est inter Saturnum ac Mercurium, Mars
 sub triplicitate sua, eo in coeli loco, perpotens est. Triangulum
 conformant aëreis in signis, Sol, Saturnus, Iupiter: quo in situ pars
 fortunæ etiam invenitur.

Epatica
 in fine
 debet es-
 se pro-
 ductior:
 tum in
 hiatus et
 iam ip-
 so cōti-
 nua, sed
 tamen
 obscuri-
 us.

Sculpto-
 ris hic la-
 psus.



1. Obnunciant utrinque non solum vitæ longitudinem, sanita-
 tisque constantiam; verum ingenium etiam absolutum, animumque
 nobilem: In manu depræhendis excellentem linearum concinnitas
 rem, locaque optimè exornata, puta Veneris montem Iovisque: Tum
 Mercurij ac denique Lunæ. Martiam Sororem vides clarissimam,
 ex qua bellatorem felicem ac formidabilem pronuncies.

2. Mercurius

II. Mercurius animum proclinabit ad scientias quasvis, ingenium profundum requirentes.

III. Iovis regio bene ornata est: characterem, in forma literæ M conspicuum, conijcio esse Iovis, exilitate incisurarum in depingendo deceptus. Cernis etiam in genesi Iovis præsidium splendidum, ad spicam Virginis non sine receptione Veneris collocati.

IIII. Sic Veneris locus appositis incisuris exornatus conspicitur. Hinc in huius nati genio describendo constat, mixturam esse adhibendam ex decretis Martis, Veneris, Iovis ac Mercurij.

V. Saturnus è suo loco tres lineolas demittens, thoralem per-rumpentes, ægritudines notat in senio: Sed & inopiam ac paupertatem ostendit.

VI. Ad naturæ bonitatem accedit mensæ consueta capacitas.

VII. Via Solis, honoribus dedicata, etiam conspicitur, sed tamen tacta à minutis lineolis. Vnde impedimenta levia honorum monstratur.

VIII. Excellentiam decretorum confirmat Saturnia, ad mediam usque recto tramite ascendens.

IX. Peregrinationes ostendit Feriens: Cuius rei significata in genesi exhibet Luna in occasu sub mobili signo partiliter supputata: Tum etiam Mercurij dispositio ad Saturnum, non loco impetram.

X. Epatica in fine hiatum ostendens, vitæ genus mutabit in senio &c. Excellens receptio erraticarum, quartæ, quintæ, sextæ, septimæ, octavæ, nonæ, decimæ, undecimæ ac duodecimæ domibus imperantium, magnum quid concernit ultra nati conditionem natalem.


EXEMPLVM III.

Eodem die & anno, demtis saltem horis 12. cum dimidia, nata est quædam puella in Turingia, sub elevat: Poli $51\frac{1}{2}$. gr.

Operæ precium est, ut iam præcedentis manus discursum huic aliquomodo adjungamus,

E

I. Principi



I. Principales lineæ, vitalis, epatica ac thoralis, in situ conformitateq; sua ferè concordant: In minus principalibus diversitatem conspicias.

II. Vitalis tripliciter dissecta est: Primò, Non procul à restricta: hæc signatura indicat morbum circa annum ætatis septimum. In directionibus licet nihil eo tempore sit suspectum: Cum tamen in annis climactericis valetudinis procellæ quædam plerumq; insistent, etiam nulla locorum apheticorum progressionem infausta accedente; conijcias febriculam, morbillos, exanthemata, &c. Altera sectio,

in ipsius lineæ medio conspicua, congruit ad directionem horoscopi ad Saturni oppositum, circa annum ætatis 32. &c. Morbum afferet satis periculofum.

Tertio sectio ad annum ætatis 52. vel 54. referenda est, horoscopo ad Martis quadrangulum deveniente. Vulnere hæc sectio indicat, aut morbum ardentissimum in ventre inferiore: quoniam ista incisura per Martis caveam alias lineas interrumpit. Lethalis hic ipse morbus non erit propter astantem Venerem in genitura.

III. Deest hic Martia soror: sed sulci Venerei admodum clarescunt. Quapropter lasciviam indicant. Idem planè concernit in genitura, Martis ac Veneris congressus sub piscibus, alteri eorum horoscopi dominio cedente.

III. Excellentior hic est Cephalica: Idcirco ingenio magis sese accommodat. In genesi cernis Mercurium in terra loco competentiori, in receptione & aspectu ipsius Saturni: quamvis Mercurij tuberculum vix unicam ostendat incisuram.

V. Crux in Lunæ loco, fecunditatem nunciat, atq; in partu felicitatem. In genitura Venus huic negotio præstò est: licet Martem habeat iunctum sibi: Hic cum dominatum sextæ domus possideat, timendum, ne aliquando in partu masculi periculum obijciat.

VI. Locus Iovis aliter quoq; depræhenditur, atq; in præcedenti exemplo: Favet quoq; Solis regio aliquomodo. Honorata vita fœminis generosioribus non nisi per matrimonium obtingere consuevit.

VII. Linea in manus medietullo exorians & ad radicem thoracis ascendens infra Mercurij regionem epaticam disseccando: amicum infidelem notat, qui damna in ætate declinante rei familiari siturus.

VIII. Epatica in fine bifida, ingenium in senectute mutabit in peius. Crux ibi, boni alicuius nuncia est. Hereditatis nota est in genitura, receptio Mercurij ac Saturni ex domicilijs, tertiæ, quartæ atq; octavæ domui imperantium.

I X. Concinna est mensuræ amplitudo, & appositus thoracis situs: bonitatem naturæ designant ingenijque promptitudinem.

X. Saturnia obliquo tramite est restricta ad Saturni tuberculum deducta, laboriosos designare consuevit, subaveros ac duriosculos, &c.

Lineas autem in manibus non esse completè perfectas, hora natiuitatis, exemplum hoc abundè comprobatur. Proinde cum hinc certum sit, collocationem erraticarum in figura plurimum obtinere autoritatis: necessariò sequitur, lineas, præsertim minus principales, conformitatem suam clariorem sanè recipere, à primo geniturae momento, quo infans manus movere & ad apprehendendum explicare incipit. De principalibus dubium non est, quin in ipso natiuitatis puncto sint satis clarè exarata: Sed incisurarum characterumque aliquorum accessum ad temporis progressum fieri, ratio ipsa docebit eum, qui infantulorum manus diligentius inspexerit. Nam in principio obscuram atque subtilem linearum picturam offendimus: Mox tenerrima illa cuticula per motum ac balneum quotidianum ablata, clarius lineæ omnes diutim enitescunt: Vis astrorum, spiritusque sidereus, cuilibet inflatus homini, lineas tum completius perficere incipit, aquæ elemento interveniente. Quicquid generatur in hoc mundo, ex aqua generatur & spiritu: Et quicumque hominum non regeneratur ex aqua & spiritu, non intrabit in regnum DEI, ut Salvator noster loquitur: Aqua cordis habet respectum in homine, spiritus verò divinæ efficaciam. Cæterum sidera virtutem suam per aërem, igneæ naturæ, qualis est siderum, vicinissimum, proximè transfundunt: Per hunc ipsa aqua, aëri secundum *εὐρυτάτην* proxima, vim cœlestem recipit, atque ipsi terræ communicat: quæ est communicatione terræ fecunditas efficitur.

Hoc ipsum aperte cernitur verno tempore, ubi crescentia est terræ gremio prodeunt: Deficientibus tum imbribus, ea parum augentur, quodvè incrementum recipiunt, illud aut vaporoso noctis frigori, humiditatis simulachro, acceptum referunt, aut rori nocturno, aut utrique simul: calore Solis per diem officium obeunte
sum.

suum: Quo quidem per dies aliquot continuato, si advenit plus via, mox vides res crescentes incremento augeri ferè momentaneo: quoniam iam spiritus sidereus, eas vivificans, copiosa humidi asper- sione sese excellentius illis insinuat. Non aliter de cuticula ma- nuum tenerrima statuas. Cernis etiam in plantis ipsis, quanto pe- re rudia sint, sub egressu primo ex terra, folia, secundum eorum scilicet lineamenta, vibrarumq; picturas, signaturæ aliàs nuncupan- tur: quæ ipsæ pededentim sese apertius in conspectum depingunt. Non secus de manuum lineis incisurisvè pronunciandum, in signa- turarum enucleatione similem analogiam possidentibus. Iam igitur constat, quanta sint DEI opera: posuit is. in manu cunctorum hominum hæc signa, ut quilibet etiam hinc cognosceret eius opera inpervestigabilia, ut Iob. Cap. 37. v. 7: eloquitur.

Quamvis sint, & inter Theologos & Philosophos simul, qui flagitium existimant, quando hoc dictum ad Chiromantiam detor- quemus, sed ut breviter illis satisfaciamus, agè eius versiculi sensum explicatius videbimus. Textus ibi sic habet:

V. 5. Tonabit D E V S voce sua mirabiliter, qui facit magna & inscrutabilia.

6. Qui præcipit nivì, ut descendat in terram, & hyemis pluvie & imbri fortitudinis sue.

7. Qui in manu omnium hominum signa posuit, ut cognoscerent opera sua singuli.

8. Ingreditur bestia latibulum suum, & in antro suo moratur, &c.

In principio capitis habentur propositionis quædam quasi præludia. Exprimit igitur propositionem in versiculo quinto: Ita, ait, tonat Iova in operibus suis, ut magna ea sint & inscrutabilia. Sequuntur huius propositionis exempla in versiculo 6. 7. 8. 9. 10. &c.

Descendere, inquit, facit nivem tanquam lanam, ut Psal-

missa addit. Rationes in nivi generatione apud peripateticos speciose quidem traduntur: si tamen easdem ad libellam revocas, nullo modo subsistunt, sed in anilem sapientiam desinunt. Alterum exemplum propositionis habetur in versiculo septimo, **DEVS** homines cunctos in manibus signat, ut quilibet sciat opus suum, h. e. lineas illas non casu in manibus fieri.

Hebræa versio de verbo ad verbum:

In manu omnes homines obsignabit, ad sciendum homines opus ipsius.

Septuaginta Interpretes:

In manu omnes homines subsignat, ut sciat omnis homo suam infirmitatem.

Hieronymus:

In manu omnium hominum signa posuit, ut noverint singuli opera sua.

Chaldaica translatio:

In manu omnium filiorum hominum signat, ut sciant omnes filij hominum opus suum.

Nos omnino detorquemus hæc ad manuum lineas, quoniam eas omnis homo quotidie conspicit, & quid sibi velint, rarissime cognoscit. Particula universalis utrobique ponitur: qua de causa nemo hominum excluditur. Refutat hæc ipsa versio quorundam, qui habent: (ut quilibet recognosceret operarios suos). Atqui multa hominum millia vivunt, quibus nulli sunt operarii, sed qui manuum labore victitant ipsi.

Præterea recognoscere operarios suos, non profecto opus est magnum & inscrutabile: Sed tale omnino, quod vel rusticorum vulgus etiam quotidie obit.

Dissentie

Dissentit igitur planè à propositione ista versio. Iam obijcies: Si linearum in manibus dispositio ac pictura opus inscrutabile est, nihil certi de earum decretis ac significationibus pronuntiari poterit.

Erit igitur scientia Chiromantiae imperfecta ac mutila, aut, si placet, nulla. Respondeo: Omnes scientiae in hac vita sunt imperfectae ac mutilae, si vim humani ingenij consideraveris: Vel ipso Apostolo testante.

Hoc ideo fieri certum est, ne ob nostrum ingenium, ob nostras illas scientias, superbiamus, sed rerum omnium perfectionem absolutam in DEO quaeramus, qui reservavit illam perfectionem ad futurum seculum.

Sunt tamen scientiae illae non ideo spernendae ac plane reiiciendae: Sed ips oblectat sese mens hominis ingenui, quoniam scientiae sunt verus animi cibus.

Affirmamus autem Chiromantiam inscrutabilia continere ratione triplici.

I. Quia in hac ipsa ad particularia ac minutissima quaeque progredi nequimus, ita ut omnium incisurarum in universum possumus decreta explicare.

Ac quamvis multa particularia pronuncientur, ita tamen sunt particularia, ut ex universalium numero neutiquam recedant.

Quando vero ex omnibus incisuris minutissimis aut posses aut velles significata eruere, saepe ultra centena decreta forent annorandae: Quod factu nobis est impossibile.

Cognitio igitur nostra vix ad medietatem huius scientiae sese extendit: Vnde non iniuria inscrutabilis signorum omnium particulatim habenda est significatio.

Altera ratio est, quoniam in omnium hominum manibus harum ipsarum linearum situs longè variat.

Mille manus licet intuearis, convenientiam omnimodam in linearum situ ad minutum usque nullibi deprehendis.

Haec ipsa diversitas non aliunde, quam ab ipsa anima Mundi delabitur: Haec est quae per spiritum suum, universa quaeque huius inferioris mundi, de hora in horam variè disponit, movet, animat, producit, signat, sustentat: Haec ipsa homini cuique spiritum quendam sidereum communicat.

ex septem stellis signisq; duodecim, cuius ductu & instinctu quilibet, quod suum est, ut plurimum proficit: libertate voluntatis manente. Antiquiores Philosophi demonem, seu genium cuiusq; proprium, nuncuparunt. Quæcirca, si non inscrutabilis esset ferè cunctis signaturarum earum investigatio, quilibet genium suum facili negotio inveniret cognosceretq;, & quid facto opus esset, maturè sciret. Sed de anima Mundi eiusq; spiritu, in fine operis quædam subnectere placet.

III. Mirabilis demum est manus ipsius structura propter proportionem, quam habet ad faciem ac faciei quasdam partes.

Est autem talis.

1. Tota manus tanta est in longo, quanta tota facies.
2. Maior indicis articulus (is est, qui lovis tuberculo adjacet) æquat frontis altitudinem.
3. Residui duo ad extremum unguem, æquant nasum, ab intercilij videlicet in summas nares.
4. Primus & maior articulus medij tantus est, quantum ab imo mento ad supremum inferioris labri.
5. Tertius verò eiusdem, quantum ab ore ad inferiora narium.
6. Maior pollicis articulus dat oris aperturam.
7. Eandem dat, quod est ab imo mento, ad supremum inferioris labri.
8. Minor pollicis articulus tantus est, quantum à supremo imi labri ad imas nares. Omnium extremorum articulorum, quos onychios vocant, ungues obtinent iustam medietatem.


Iam satis intelligi posse existimo, quanta consideratione sit opus ad cognitionem manus, ipsiusq; partium ac signaturarum; quæ tamen corporis humani exigua particula censetur. Causam verò eius proportionis, quam diximus, quis enumerabit? Verè igitur homo, DEI opus est, velut hebraica translatio ad verbum in illo IOBI dicto subindicat.

Tertium exemplum ab Iobo propositum, est de bestiis, quæ latibula sua quærunt, ac suo tempore relinquunt, non aliter ac si quispiam

quispiam hoc ipsum illas docuisset. Constat hinc, bestias sensu quidem vivere, sed rationis alicuius non planè experti: Quod ipsum alijs quoq; documentis probatur. Sed simulachrum humanæ rationis ijs rectius attribuerimus. Cætera iam linquo. Non tamen hæc eò apposta sunt, hîc, quasi sine illius dicti consensu ac testimonio Chiromantia nostra constare non posset. Approbet hæc, cuicumq; erit volupe. Aliter cui placuerit, sensu is suo abundet.

EXEMPLVM IIII.

Natus est quispiam ad Rhenum A. C. 1546. Ianuarij d. 6. h. 1 $\frac{1}{2}$ p. m. sub elevatione 52. p. ferè.



Vitalis
debet
carere
hiatus

Quæ in hoc exemplo consideremus sunt:

I. Podagra nota sub Saturni digito sese ostendit, qua vicatim hic ipse laboravit per aliquot annos: quamvis in specie ille morbus ex characteribus prædici non potest. Mars in figura natalitia sub Saggittario in sexta inventus, podagricos efficit infallibiliter: cuius posituræ alia quoque novimus exempla.

II. Cingulus Veneris integer, at duobus tamen locis intercisus, intemperantiæ morumque sordidorum in re venerea, signum est apertissimum, non sine levi labe nominis ac famæ, quod eventus ipse ita comprobavit. Considera, quæso, Saturnum in septimo loco, Veneri adherentem in Lunæ quadrangulo. Conjunctio talis impuras efficit mentes, nisi Iupiter sese interponat. Abnegat quoque prolem prorsus, datam verò sæpè tollit, aut infelicem futuram indicat.

III. Fortunatum hominem arguit triangulus perfectus: Cephalica integro ductu ad Mercurij locum pergens: tum Saturnia mediæ rectè attingens: Iovis, Mercurij Venerisque locus: Via lactea demum haud ineptè formata. In genesi vides Saturnum ac Iovem, in septima, octava, nona, decima, undecima, duodecimaque dominium usurpantes, non sine tamen permutatione domiciliorum; quibus in locis erraticæ omnes, dempto Marte, inveniuntur. Fortuna igitur huic optimè aspiravit in rebus Veneri, Mercurio, ac Iovi subjectis.

IIII. Lineæ binæ parallelæ scalarum instar à Saturni Solisque regione in Lunæ locum opportunè deductæ, fortunam prosperam ac constantem designant extra Patriam.

V. Peregrinationes ostendit Lunæ mons, probè ac perspicuè depictus incisuris appositis.

VI. Mensalis montem Iovis dissecans, iræ magnitudinem nunciat. Tales plerumque solent esse, quibus Mars in sexta residet.

VII. Eadem dissecta sub Saturni digito lineolâ crassiuscula, ægritudinem gravem ventris inferioris nunciat in senio.

VIII. Vitalis versò finem disrupta per duplicem incisuram, morbos designat circa annum ætatis quinquagesimū secundum quartum ve-

Eo tempore horoscopus decedet ad 6. gr. Leonis, Saturni fines, valde minaces, &c.

IX. Via lactea, caudæ Draconis adhærens, cruce alia accurren-
te; tranquillam senectutem obnunciat.

X. Crux in mensa sub Solari digito collocata, honores des-
ignat ac Magnatum favorem. Non necesse fuit ex genitura ipsa si-
gnificata quælibet describere, propterea quod in illa erraticarum
dispositione, quam indicavi ante, omnia lateant comprehensa:
Quæ ipsa stellarum facies ac collocatio rariuscule contingit.

EXEMPLVM V.

Nascitur quispiam A. C. 1586. Decemb. d. 9. st. novo
hora 8 $\frac{1}{2}$ ante merid. in Lusatia superiori.

Vt simplex in manu ipsa linearum concursus cernitur: Ita
Siderum quoque collocatio satis abjecta est.

I. Iupiter quidem in propria exaltatione angularis habetur,
sed tamen retrogradus est, nec partiliter supputatur in horisonte
occiduo. Nondum montem suum exornavit aliquibus lineis.
Favet quidem ibi in genitura connubio: qui favor quando aspiras-
bit, lineæ in Iovis tuberculo suo tempore exorituræ indicabunt,
non sine alia aliqua prosperitate.

II. Venus etiam huic negotio præstò est, in secunda domo re-
perta: Sed remissius tamen tuberculum suum exornat, quod extra
potestatem aliquam collocetur.

III. Laboravit hic puer malo epileptico aliquoties, nec dum ab
eo liberatus est. Hoc accidens nescio an ramusculis illis at-
tribuendum sit, è thorali sub Saturni regione exurgentibus: an
verò conjunctione thorali cum Epatica, per incisuram clariuscu-
lam. Vix possibile est omnium accidentium invenire signa
in manibus. Digitorum, fateor, lineas hoc tempore tam accuratè
haud assignavi, quod rarissimè in pueris perspicuam earum pictu-
ram videamus. In genesi quidem Luminarium coitus est in-

auspicatus; quoniam cerebrum sic maximè debilitatur, animali spiritu valdè spoliatum.



Quò coniunctio eorum arctior est, eò mala ipsa, hinc descendencia, manifestiora comperimus. Scio tales esse ingenij imbecilli, ac simplicis; semper serè ægrotant; maximè verò melancholia hypochondriaca agitantur. Iam Saturnus in hoc exemplo sub Ariete, capitis infirmitates auget.

IIII. Epatica versus restrictam inclinata, triangulum coarctans, ingenij


ingenium contrahit, ac prudentiam minuit: quin & subavarum ita designat. Ingenio aliquomodo subvenit cephalica decenter producta. Ingentura exiguas significationes ingenij depræhendis. Mercurius sub Sagittario Soli propinquus, debilis est omnino: Luna vix unius diei itinere à Sole abest. Horoscopus item à radijs utriusq; recedit, Iupiter ac Saturnus angulares duntaxat favent.

V. Linea per vitalem in Martis concavum abiens ac crucem ibi efficiens cum dimidiata Saturnia, vulnera notat ac vitæ pericula, à latronibus &c. Ingentura probè id ostendit Mars, ad noni loci limen iam hærens, propter latitudinem septentrionalem, Soli atq; Mercurio adversus per quadrangulum. Videtur hoc decretum confirmare conjunctio thoralis & epaticæ per lineolam intervenientem. Eadem crux in Martis loco febres notat, morbosq; martiales &c. Iam satis apparet, abjectum stellarum concursum in nativitate, congruere ad rudem linearum picturam in manibus: quod ipsum aliàs quoq; observavi.

Nascitur quidam in Thuringia A. C. 1585. d. 26. Iunij, dimidia hora antè meridiem ipsam. Cadit ibi Saturnus in septimam sub Ariete: Iupiter in nonam sub geminorum principio: Sol in decimam sub cancro, secum habens Mercurium retrogradum in Saturni quadrangulo. Mars demum sub Virgine duodecimam possidet, ut Luna sub Scorpio secundam: Venere sub Leone itidem retrogradiente. Hæc positura ut abjectissima est: Ita quoq; manus ipsius lineamenta inauspicata inveni. Inprimis verò vitalis in hoc nato est dissecta per Cephalicæ particulam, concavum in manu non attingentis. Conspexi rudera quasi quædam de Cephalica, sparsim per ferientem projecta non solum: sed & invicem disrupta propè Lunæ sedem. Præterea in concavo ipso, magis sub Saturni tuberculo, quàm sub solari, stella quædam epaticæ adhæret, rimam per mensam in thoralem proiciens, sub Saturni regione &c. Hæ signaturæ non solum in felicitatem referunt, sed & vitæ brevitatem. Idem elicit ex genitura ipsa. Horoscopus ad Saturni oppositum decedet circa annum ætatis decimum quintum: morbum designans exitialem.

EXEMPLVM VI.

Nascitur præcedentis frater A. C. 1588. 27. Decemb. st. novo, hora quinta matutina.



I. Mars horoscopi dominus receptus à Venere ex domicilijs, abiectione tamen, libidinem ingenerat, incontinentiamq̃. Cernis ut Veneris regio evidenter exornata sit sulcis suis, cruce apposta in suo periori loco. Talis crux sæpè adulteros prodit.

II. Iupiter in culmine partiliter hæret, triangulum cum Saturno atq̃ Mercurio satis decenter efficiens terreis in signis.

Exornat

Exornat igitur Iupiter locum suum per appositam lineolam
crucemq; Vnde ratiocinaberis, hunc ipsum huic nato præesse: des-
creta eius ex superioribus repetas, remissius tamen, quod in detri-
mento suo hæc stella sit collocata.

III. Saturnus Lunam iam in complexum recipiens, genituræ
dominatum arripit, proportionem duplici ad Iovem. Cernis igitur
Saturniam integram; Quin imò huic ipsi annexa est Soror, decenti
tramite thoralem penè superans.

III. Quamvis ex Iove, Venere, ac Saturno de ingenio quoq; cons-
tat: vides tamen Cephalicam, in ipsum Mercurij tuberculum deduc-
tam: quin auricularis lineolam gestat satis claram, quæ per ipsam
iuncturam exarata est. Mercurius in genesi sub Capricorno inge-
nium maximè promoveret, uti quoq; sub Aquario ac Libra, in quibus
signis Saturni potestas floret. Præterea idem Iovis trigono, sexti-
liq; insuper Veneris exponitur. Adversatur autem Mercurio
Martis quadrangulus, minax honorum adeptionibus.

V. Luna nobiliter commoratur sub Tauro ac Solis triangulo,
sed tamen in limine sextæ: Ferientem itaq; duæ claræ lineolæ deco-
rant: feliciū & honoratarum peregrinationum argumenta præ-
bentes.

VI. Via Solis integra & æqualiter deducta, favorem Magnatum
Ixtosq; honores promittit. Quas dignitates genitura pollicetur,
ex obventuræ sunt ex literarum præclara cognitione, & ex ijs re-
bus, quæ Mercurio sunt dedicatæ, peculiare quid negotijs omni-
bus adfert Solis positio sub Capricorno &c.


VII. Decretisiam annotatis subsidio venit mensa ipsa, appositæ
capacitate constructa. Crux ibi Saturniam turbens, infor-
tunium aliquod indicat, quod à Saturni malitia descendat. Op-
positio Veneris ac Saturni non solum matrimonio adversatur, ver-
um etiam prolem abnegare consuevit.

VIII. Thoræ ramusculos versus ferientem emittens, inopiam
aliquando præfigit, satis itaq; & huius manus lineas & genituræ de-
creta esse examinata confidimus.

Exemplum 8.

E X E M P L U M V I I .

Nascitur frater præcedentis A. C. 1590. Decemb. d. 30.
ft. novo; hora 4 $\frac{1}{2}$ matutina.



I. Genius huius nati dependet à Mercurio, Venere, Saturno ac Iove: quoniam eorum loca videsse probè ornata, lineasq; integrè productas. Ac licet Mercurius suo in tuberculo nihil exhibet characterum, quam lineolam saltem unicam: Eius tamen decreta in univers

universum suppeditat Cephalica, rectissimo tramite ad eius tuberculum usq; protracta. Hinc apparent ingenij promptissimi dotes; ad eloquentiam aliasq; artes ingeniosissimas felicitas; de quibus dictum est supra suo loco.

II. Quamvis Sol sub Capricorno itidem inveniatur, ut in præcedenti genitura: Non tamen Solis via in manu apparet. Vnde principum favor non tam facile huic aspirabit, atq; præcedenti, cui Iupiter ipse in culmine cœli partiliter constituebatur. Cephalica tamen indicat, quod magnis rebus hic ipse sit præficiendus feliciter.

III. Idem pollicetur stella in Iovis monte conspicua. Linea à Vitali decurrens eo modo ad montem Iovialem, sæpissimè Martis Iovisq; conjunctionem in genituris mihi manifestavit, præsertim quando ea ipsa per Vitalem & Veneris sacellum transit, uti cernis in duobus exemplis sequentibus, & in decimo septimo. Optimè itaq; collocatur Iupiter, incedens directo passu propè lancem libræ australinam, sexangulo M. cœlum illustrans; licet in cœli domo abiecta hæreat.

IIII. Luna tenuia significata præbet, quod Solis Sextilem nondum sit assecuta: Feriens unicam lineolam ostendit, peregrinationibus non longinquis attributam.

V. Mensalis itidem, ut in præcedenti exemplo, ramusculos ferientem versus deducit.

VI. De Saturni decretis, obscurioribus tamen, nihil referemus. Cum enim retrogradus in octavo loco commoretur, licet in triplicitate sua; eius conditio mediocris censenda est. Venerem is magis lædit ex opposito, quam Mercurium, quoniam veneræ naturæ extremè is adversatur. De horum oppositione iam ante diximus.

VII. Mensa ipsa debitam proportionem capacitatemq; refert: Vnde ingenij, ac temperamenti morumq; bonitas confirmatur.

VIII. Lineola ad interstitium indicis ac medij posita inauspicata est: Vultus notat, præsertim in ventre inferiori.

IX. Vitalis propè initium per incisuram vitata, morbum significat infantia. Fuit itaq; correptus phrenitide vera ad medium veris

Antioch. 93. Evasisse feliciter, vel nullis accedentibus remedijs, pure ex aure altera copiose effluente. Hinc ad maiora illum ipsum reservari, penitus nobis persuadeamus. Eadem vitalis interventu lineæ, de Saturni regione descendens, dissecta, morbum periculosum indicat de natura Saturni, idque circa annum ætatis quadragesimum. Cernis autem eo tempore horoscopum ipsum ad Saturni oppositionem progressu suo deventurum: Rem hanc, uti etiam alibi, satis mirari vix possumus. Mercurius octavum locum, qui mortis est, gubernans, in detrimento suo reperitur, à Saturno ipso hostiliter læsus: Unde casum notat è locis æditionibus, submersionem, venena, pestem &c. Venus sese interponens malum mitigat declinatque aliquomodo, sed non omnino tollet.

E X E M P L V M V I I I.

Nascitur quidam ad fines Bohemæ A. C. 1588. d. 8. Novemb. stylo novoh. 8. m. $45\frac{2}{3}$ p. m. Polus $50\frac{1}{2}$.

Fœlix hæc genitura, uti & manus ipsius lineamenta.


I. Ingenium summum demonstrat Luna in horoscopo partiliter inventa, in Mercurij trigono. Deinde receptio Mercurij ac Martis ex ipsis domiciliis. Venus item in angulo sub propria prærogativa: Congressus demum Iovis Martisque sub Mercurij hospitio, Lunam iam in complexum recipientium. Idem significatum monstrat in manu Cephalica, ad Mercurij tuberculum pergens: Mercurij item digitus ac tuberculum simul, haud inconcinnas lineolas exhibentes. Concordat hanc in rem mensa ipsa, characteresque perpulchri ad loca Iovis, Veneris, Solis.

II. Venus sulcis suis conspicua est uti in genitura, proprio sub domicilio angularis.

III. Hororibus, rerumque optato successui præstò est triangulus, aqueis sub signis à Sole Mercurioque ad culmen atque horoscopum ipsum complicatus: quibus in locis Lunam quoque ac sortem ipsam

repe-

reperimus. Talis triangulus rarioris est contingentiae, Fortunam prosperam insigniter promover. Accedit his Venus angularis sub Libra &c. In manu notata sunt praeclarè, regiones Solis, Iovis, Veneris, Luna: Duplex item triangulus mirè accurrit: Alter conformatur à vitali, media atq; Cephalica. Alter, à Cephalica & mensali vitaliq; si scilicet vitalis lineolam addideris, quam ad Iovis tuberculum demittit.



IIII. Matrimonio, honoribus, ingenio negotijsq; laetè insigniter norma illa duplex parallela, Altera harum perficitur à linea,

404
ex indicis ac medij institio in mensalem abiens, eamq̃ tangens in
fra medij annularisve interstitium, & hinc ad auricularis annularisq̃
interstitium protracta. Quidam per eiusmodi lineam incestum vatis
cinantur. Altera, è linea à pollice in mediam vitalem incidente, & ex
angulo recto per cavum manus ad mediam currente. Haud obscure
hæc omnia præfagire mihi videntur virum excellentissimū in omni
scientiarum genere, præsertim in Mathematicis: Quod ipsum in ge-
nitura manifestò apparet ex Mercurij situ sub Scorpio, ex Lunæ
positura in ipso oriente sub propria domo in Mercurij trigono: De-
mum ex permutatione domiciliorum inter Martem ac Mercurium.
Celeritatem Mercurio insuper confert Martis Sextilis, &c. quæ sic
quidem manifesta sunt intelligentibus, ut non sine admiratione per-
spici ac conferri possint.

V. Peregrinationes monstrat Lunæ regio lineam clarissimam
monstrans; Idem Luna certò denunciat in mobili signo angularis;
Vti etiam Mercurius tertiæ dominus à Marte receptus.

VI. Scalam excellentis magnitudinis videtur certè efformare
vitalis atq̃ ea linea, quæ è tuberculo Saturni per manum ipsam ad
Lunæ regionem discurret, clarissimo itinere: In hac scala passim
conspiciuntur lineæ transversales, ad eius picturam necessariæ. Illa
ipsa mirandum ac formidabile dignitatum vastigium nunciat, sed
non sine invidia maxima.

VII. De divitiis multa dicere, quid opus erit? Nullæ sunt digni-
tates, nulla regia ac magnifica negocia, quibus rerum affluentia de-
est. Venus ita in centro subterraneo reperta, magnificas possessio-
nes præstat in senectute, famamq̃ post obitum non exiguam concili-
at. Vides eius tuberculum, quanto perè consuetis incisuris lux-
uriat.


VIII. Vitalis aliquoties dissecta, ægritudines sanè haud leves con-
cernit. Anno ætatis quinto laboravit pustulis sive morbillis: reli-
quas obventuras iudices ætatis anno XI. XXI. XXV. XLIII.
circiter.

IX. Cæterum Saturnus in regione sua incisuram dimittens per
mensalem,

mensalem, ægritudinem indicat in ventre inferiore, calculum vesicæ auguror &c. Vt igitur felix hæc genitura per se: Ita felix etiam manus ipsius pictura, atq; in lineis ipsis convenientia: quod erat probandum.

EXEMPLVM IX.

Natus est quispiam A. C. 1551. Martij d. 8. h. 9. m. 30. ante merid. sub polari elevat: 51. gr. in Silesia.



Assumimus huius manum dextram, quod in ea vidimus lineas clariores, juxta superiorem nostram annotationem. Probavimus eandem etiam in alijs exemplis, diversitate tamen sæpius explorata, ut diximus. Nolumus hoc ipsum ubiq; repetere, quod ad rem ipsam leviter faciat. Videamus in primis praxin, eiusq; mirabilem cum genituris ipsis convenientiam perquiramus.

I. Linea vitæ incisuris ac capillamentis quasi quibusdam conspicua, ægritudines hæud leves notat: Veluti Saturnus arguit, quatuor incisuris thoralem tangens: Vnde quatuor quoq; duriores res notat infirmitates, quæ de eius natura habentur. Prima harum nato accidit circa annum ætatis XXⁱ, ex catharro repentino in pectus ac pulmones, non sine aliquo strangulatu, ac maxima spirandi difficultate. Altera accidit ipsi anno ætatis XXXV, ex potione venenosa: Sed quia poculum non planè exhauserat primo libamine, superveniente aliqua nausea, sex lethalis in fundo relicta est. Non tamen nihil nocuit omnino: Sed Medici ope facilius veneni illa vis compressa est. Progressionem Solis ad Saturni quadrangulum tunc exactè devenisse intelliges, calculum si adhibueris. Tertiã coniscimus futuram anno ætatis XLV, circiter, Horoscopo è Cancro in Leonem transeunte: Externis quoq; bonis idem progressus mutationem afferre consuevit. Quartam indicabimus obventuram anno ætatis LIII, vel LV, Horoscopo ad sextum Leonis gradum progrediente: Qui gradus quantoperè in directionibus sit minax, alibi tibi clariùs explicabimus. Quamvis hic morbus gravior futurus sit: Non tamen planè exitialis censendus est, propter Iovem cum ipso orientis gradu se devolventem. Fesbrem quartanam, epidemiam, Pestilentialem vè tum metuat.

Ex Directione Horoscopi ad corpus Martis, anno ætatis 13, vel 14, lapsus est hic ipse natus in aquam ferventem, læso brachio ac pectore.

Ad Vitalem hoc accidens (hæud tamen in specie) inquiramus, ubi Capillamenta cernimus, Martis

autem locus positus est ex Copernici calculo, habens latitud: septent: $2\frac{1}{6}$ gr. Vnde eius ascensio obliqua evadit $62\frac{5}{6}$ gr.

II. Iupiter in tuberculo suo haud insuetis incisuris conspicuus, dignitates satis magnas indicat, proportionem loci natalis servata. Idem in orientis linea concernit inventus. Alibi

quoq; observavimus, ex linea Martis, per Viralem ad Iovis regionem deducta, Iovis Martisq; conjunctionem in genitura: Nec admodum præcedens exemplum ab hoc negotio dissentit.

III. Non malè locatur Sol sub piscibus propè Venerem: Vides igitur in eius monte lineolam satis claram.

IIII. Veneris regio sulcis convenientibus clarescens, non solum bonum eius habitum monstrat in genitura: Sed & bonum aliquod Vxoris gratia obnunciabat. Sole igitur ad Sextilem proprium, Venerisq; progrediente, ex uxoria hereditate non mediocriter fuit ditatus: circa annum ætatis 41, ad quem ipsum manum hanc delineatam accepimus.

V. Ingenium notat Iupiter ac Mars in ortu confurgentes: Mercurius itidem sub Ariete, à Sole remotior, ingenio præstò est. Advertas ad eius regionem, & in ea offendes tres incisuras parallelas: Idem ex alijs locis pronuntiabis, secundum præcepta supra ascripta.

VI. Subvenit huic negotio Cephalica ac via lactea, breviori tamen tramite decurrentes.

VII. Regio Lunæ inculta est, incisurisq; omnino vacua: Perinde ut in genitura quoq; omnino silet, unius diei itinere à Sole vix digressa.

VIII. Restricta continua boniq; coloris, opes pollicetur, bonamq; corporis crassie obnunciat.

IX. Mensa per ampla naturæ bonitatem arguit: Id in genesi ex Iove iudices.


X. Media

X. Media naturalis interventu alicuius incisuræ dissecta, epatis fervorem ac laborem indicat, Vti Mars Iovi proximus in ortu, aëreo sub signo.

XI. Dignitatibus aliquomodo adversatur Saturnus in culmine Invidiam præsertim afflans: Vti quoque non frustra sub digito suo incisuram exhibet, ab interstitio medij annularisq; exorientem. Mirificum igitur consensum negocij præsentis ex hac quoque genitura breviter depinximus.

E X E M P L U M . X .

Nascitur quispiam Anno Chr. 1588. d. 8. Februarij h. 4 $\frac{1}{2}$ matutina: VVitebergæ.



In hoc illustri exemplo, quænam sit familiaritas, paucis expediamus.

I. Genituræ dominium penes Iovem est atq; Mercurium. Deinde penes Venerem atq; Martem; non tamen exclusis Saturno atq; Luna. Ratio autem inveniendi constituendiq; genituræ dominum, in commentarijs nostris astrologicis explicabitur: Hanc ipsam ubi vis sequimur, & à vero nos non abesse certo scimus. Iam cum angulares sint Iupiter, Mercurius, Luna, Saturnus: necesse est, ut in montibus suis hi admodum sint conspicui, Venus etiam atq; Mars haud malo congressu luxuriant.

II. Felix igitur admodum hæc genesis, exceptis ijs, quæ ad valetudinem spectant, Saturnus Iovi Lunæq; tantoperè aduersus, suscitatur destillationes ad pectus & epar perpetuas ferè. Congruunt huc lineæ intersectæ in Saturni tuberculo: Tum Vitalis quoq; atq; epastica, aliarum lineolarum tactu undiq; petita. Morborum insultum notabiliorem dico futurum anno ætatis 30. 32. 36. 44. 50. circiter.

III. Ingenium magnum, eloquentiam, propensionem ad artes quascunq; omnium positio monstrat: Tot lineæ parallela: Multa crux: apposti characteres ubiq; reperti: Inprimis autem Cephalica in integro itinere Mercurij regionem subintrans; Locus Mercurij, & ipse auricularis, lineis cruceq; duplici conspicuus: Iupiter deniq; Venus, Luna, Mensa, triangulus perfectus: Ingenij significata in genesi conspiciuntur ex Situ Mercurij, Iovis, Lunæ Saturni &c.

IIII. Versutiam calliditatemq; in rebus gerendis indicat Cephalica, ad mediam usq; duplicata.

V. Libidinem notat Veneris stella proprio in loco, sulciq; ibidem clarissimi. Incisuræ tres ad tuberculi illius eminentiam inventæ, bona ex connubio indicant. Idem habes ex Veneris Martisq; congressu sub piscibus, venereo scilicet ac Iovio signo, in aspectu Sextili Saturni, ac Lunæ triangulari. Opum affluentiam ex matrimonio pollicetur Venus in secundo loco, Iupiterq; in septimo ad Geminorum capita descendens. Etiam ibidem repertus Iupiter, victoriam de inimicis omnibus pollicetur.

H

VI. Quam

VI. Quamvis Sol in genitura excellenter non collocetur: Attamen regionem suam aliquomodo lineolis quibusdam exornat: Concisæ autem illæ sunt, Ergo turbidos honores insinuant. Lætiores promittit Iupiter atq; Mercurius: Tum etiam mensa multiplici cruce sparsim conspicua.

VII. Saturnia clariore tractu ad mediam pergens, mox etiam obscuriore ad Saturni locum, felices rerum eventus concernit. (h magis hic valetudini adversatur, quam externæ fortunæ) In genitura id elicis ex Saturno angulari, ex Iove, ac Mercurio, genituræ habenas primario administrantes: tum etiam a Venere & Marte, sub piscium signo congregantibus: qui congressus fortunæ haud leviter aspirat.

VIII. Linea ex Martis cavea per Saturniam ad manus exitum tendens infra Lunæ regionem, longas peregrinationes obnunciat: Vti Lunæ ipsius quoq; locus, tribus incisuris parallelis notatus, Idem significatum in genesi indicat Stilbon in exortu: Luna angularis: Saturnus Horoscopi dominus in Lunæ exaltatione Venerisq; domicilio, in nono loco dominantis: Coniunctio demum Martis ac Veneris, in nona ac tertia gubernacula tenentium.

IX. Sors in octava, bona insinuat hæreditaria, tum etiam, quæ ab ingenio artibusq; affluunt ubertim: Sed tamen Mars atq; Venus ex opposito ad eandem, profusionem rerum nunciant ex voluptatibus ac luxu. Eandem consilio hæreditatis accessione ex cruce atq; lineolis, in supremo pollicis articulo positis, infra unguem: &c.

X. Vitam longævam indicat Capricornus in ascendente, Saturno eiusdem qualitatis signi occupante: Idem notat epatica productior.

XI. Hæc figura mortem violentam insinuat ferè ex ruina aut submersione: Venus etiam libidinis fomenta promovet immoderatæ. Ego propter Iovem, qui Saturnum potenter reprimat, apoplexiam aut hydropem mortis primariam causam iudicabo: Philtrum in iuventute præcaveat. Saturnus quoq; ex angulo Lunæ tanto periculis adversus, carceris pericula minatur: Suspectæ hic sunt Veneris insidiae. Character in monticulo Saturnio quidem adest ramosus, sed tamen intersectus binarum lineolarum interventu.

XII. Vitam opulentam in senio peregrinationesq; simul prosperas, notat crux maiuscula in extrema mensæ parte propè ferientem; Vti etiam crux illa, epaticæ annexa ad finem, restrictam versus.

XIII. Linea illa, ex mensa per epaticam atq; cephalicam, infra ferientem, restrictam versus recurvata in semicirculum, captivitatem notat inimicitiasq; occultas. In genitura ut dictum est tale quid apparet ex Saturno, Lunæ diametraliter opposito, Iovemq; duodecimi loci dominum quadrato impugnante partiliter. Ob ingenij doctes, ob scientiarum penum, ob excellentiam dignitatum, inimicitias illas obventuras pronuncies. Satis iam propositum nostrum explicasse nos ac monstrasse confidimus.

EXEMPLVM XI.


Natus est quispiam Augustæ Vindelicorum A. C. 1581.

Maij d. ii. mane hora prima.

I. Iupiter licet in casu suo ac coeli loco abiecto hæreat: Quia tamen genituræ dominatum arripit, primus Lunam in complexum suum recipiens: Idcirco tuberculum suum haud incultum reliquit. Quicumq; astrologiæ addictus de genituræ domino principali sollicitaris, præ cæteris observes eam stellam erraticam, quæ Lunam, ut diximus, prima complexu suo excipit, ac madore cælesti sic perfundit: quam ipsam rem alibi plenius intelliges.

II. Mercurius dominatus in genitura particeps, (propterea quod Lunam hospitio recipiat) in propria domo ac coeli plaga opportuna, collocatur: cuius rei signa in monte suo quoq; ostendit, licet retrogradus. Ingenij profunditatem auget amplificatq; Saturnus in oriente sub proprio domicilio ac triangularitate inventus.

III. Saturnus Solem ac Lunam partiliter oppugnans minaci intuitu, ex violento signo, Sole quoq; non procul à Palitio, stella masculica consistente, mortem decernit violentam, aut periculum eius maximum: Cuius rei argumentum præbet character turbidus, Saturniam ad regionem depictus; aut aliter aut clarius ibi tales tum exhibebit, quando malum præ foribus instabit.



III. Morum integritatem pronunciamus ex Saturnia, ad mediam desinente, Venus Lunam trigono collustrans ex propria domo, pudorem infert genuinum: Huic decreto subvenit Iupiter, quem diximus dominatui huius genesis præesse: superior ille ferè est, aut certè æqualis in regimine ipse Mercurius.

V. Solis tuberculum Saturni ferè characterem ostendens, non admodum faustum habetur: inimicos sic multos concernit absq; causa, invidia comitante: Idem Luminaria tantoperè à Saturno infestata prælagiunt, Difficultates negotiorum ex hominum iniusta
invidia,

invidia, iudicabis certissime, quoties Solis locus literam græcam x gestat, ita ut linea dissecans illam quæ in ipso tuberculo erecta est, ab interstitio minimi atq; annularis descendat: qualem descensum cingulum Veneris solet describere.

VI. Venus in monte suo tres lineolas claras efformans, è re uxoria censum aliquomodo augebit: Vti in secunda domo reperta eadem ad sortem, haud obscure spondet.

VII. Vitalis tribus in locis minuscularum linearum transitu vitata, ternas satisq; graves ægitudines obnunciat: circa annum ætatis tricesimum secundum, quadagesimum atq; circa quadagesimum quintum: Si deduxeris Horoscopus ad Martis quadrangulum, tum Lunam itidem ad eiusdem Martis Saturnivæ insuper quadratum, procul dubio tempora nominata erues.

EXEMPLVM XII.

Natus est præcedentis frater A. C. 1583. Iunij d. 27. h. $11\frac{7}{12}$.

p. m.

I. Linea vitæ alterius interventu turbata, ægitudinem significat circa annum ætatis 20. Absq; dubio eo tempore directio Horoscopi ad Martis quadratum decedet: Vti Lunæ quoq; progressio ad ipsum Saturnum: quæ directio tamen, propter Iovis præsentiam, non tantoperè timenda est.

II. Saturno ac Iovigenituræ dominatus cedit. Ostendit Iovis tuberculum transversas lineolas; Saturni vero stellam, quo usq; Saturnia quoq; ascendit.


III. Habes quoq; notas Mercurij ac Veneris proprijs in locis, qui sub Leone iam junguntur, haud contemnendo congressu, licet platicus is sit.

IIII. Lineolæ tres ad ferientem collocatæ, peregrinationes insinuant: Vti Mars Horoscopi dominus sub Mercurij hospitio, ac Sol sub Canero.

V. Crux Martis cavea, naturam Martiam auget ac fervorem epatis.

H 3

VI. Solis




VI. Solis locus rimam unicam ostendens, honores auget remissus. In genitura, decreta dignitatum sunt obscura: Sol saltem angularis ad Geminorum capita commoratur.

VII. Felicem eventum actionumque successum pollicetur Saturnia integra: Idem præstat coniunctio Saturni ac Iovis, octavo, nono, decimo, undecimoque loco imperantium.

EXEMPLVM XIII.

Nascitur præcedentium amborum frater A. C. 1577. Nov. d. 7. h. 3 $\frac{1}{4}$ p. m. Hac terna exempla nuper Ratisponæ venatus sum.
I. Saturnia



Descen-
sio obl:
♀ 8.52.
h. e. 18.
gr. $\frac{2}{5}$
Librae.

I. Saturnia integra, licet obliquo tramite ad sedem propriam deducta, Saturnum geniturae praesse docet. Fortunam decernit non planè adversam &c. Cætera suo ex loco huc adducito, quæ ad Saturnum spectant, haud malè collocatum. Idem tamen in culmine Veneri ac Iovi (qui dominatus in genitura sunt participes) fortunam prosperam turbat: Vti Mars quoq; in occidente alieno sub signo inventus nunciat; quæ mala in senio multiplicabuntur.

II. Venus ob latitudinem septentrionalem in limen septimi loci recidit,

recidit, adfunctam habens Lunam ob fati merid. ostendit igitur eorum locus lineas ac notas satis conuenientes: Quamvis Luna remissius, cum scilicet lumine non satis sit illustrata, ad Solem properans.

III. Iupiter directus, Veneri adhærens propè Virginis spicam, regionem suam satis decenti lineola exornat: Sed tamen à Saturno premitur. Ingentes sic collocatum ad Venerem, largiri diuitias ex matrimonio, multoties observavimus: Quam in rem hæc consensus Veneris conditio ac fortis.

IIII. Via Solis aliquomodo sese ostendit, honoribus amica: Is planeta angularis sub Scorpio & ad cor Scorpij, minimè est improbandus.

V. Mercurius retrogradus sub suo detrimento, in octavo coeli loco, multo perè debilis censetur; aliquomodo à Venere ac Iove refocillatur. Vides igitur hoc tempore in eius regione nullam inventam signaturam.

VI. Non dissentit ab hoc stellarum habitu, mensæ debita amplitudo.


VII. Crux illa supra restrictam senectutem tranquillam promittit: Verum Saturnia abnegat. Sed cum Crux illa formetur à lineola illa, de Vitali descendente Venerisq; regione; vide ne infortunium litesq; adferat ab vxoribus: &c. Alia cuiuslibet sagacitati sunt commissa: Quamvis fateri cogimur, omnes incisuras minutatim neq; hic neq; alibi esse depictas.

E X E M P L U M X I I I I .

Nascitur quidam in Thuringia A. C. 1586, Decemb. die 3. b. 7 $\frac{1}{2}$ ante merid. sub elevat. poli 51. gr.

Supra in exemplo quinto eandem ferè positionem habuimus: Distantia natalis utriusq; est duntaxat dierum quinque. Lineæ principales in situ atq; conformitate conveniunt: In reliquis est alia qua discrepantia; non tamen valde notabilis.

I. Linea Vitalis variè dissecta est circa finem ac medium. In senio



senio igitur valetudinem notat adversam. Lineolæ binæ eandem transitu vitiantes, inq̃ Martiam caveam descendentes, martiales infirmitates corporis instare monstrant circa annum ætatis quinquagesimum ac quinquagesimum secundum. Metuenda tum quoq̃ vulnera in capite pedibusvè.

II. Saturnus itidem è loco suo ad transitum obliquum lineam demittens, virus asperget suum ad idem tempus: Vnde infortuniosum illud erit plenissimum. Morbus quoq̃ expectandus circa annum ætatis undecimum; quoniam Vitalis contactu Cephalicæ ibi notata

notata est. Horoscopus eo tempore ad Martis quadrangulum de-
cedet.

III. Cephalicæ ductus ad mensalem usq; ingenio præstō est: In
genesi Mercurius non malè collocatur sub orientem in Saturni tri-
gono: Sed tamen idem Mercurius alienum signum occupat, pres-
sus in super à Martis quadrato: Vnde Mercurialem regionem levi-
ter cernis notatam.

IIII. Crux in Martis cavea, Martiam naturam epatisq; fervorem
notat; atq; in peregrinationibus periculum ac vulnera: In figura
Mars ex nona plaga Solem quadrangulari intuitu oppugnat: Luna
quoq; in Saturni quadrato itidem versatur.

V. Ea linea, Vitaliferè parallela, multa adfert itinera, non lus-
crofa tamen, quod sit decurtata ac tortuosa. Itinera etiam concer-
nunt lineolæ binæ, in Lunæ tuberculo conspicuæ. Præstat idem in-
gen: ♂ in nona sub ♀ hospitio; dein: ♀ in prima; ac Luna in signo
mobili.

VI. Venus ac Iupiter aliquomodo suis in locis beneficium suum
ostendunt. Sed in exemplo quinto Iovis mons est incultus. Quod
igitur hic præsidium suum monstrat, ex Novilunio, nativitatem
antecedente in Sagittario, emanasse certum est, ubi dominium præ-
cipuum obtinuerat. Supra in quinto exemplo talis potestas, penes
Iovem nondum erat.

VII. Honoribus præterea favent spica Virginis cum nodo Lu-
næ evehente in Coeli apice, tum Aquila quoq; ipsa iam exorians.
Solis itidem positio sub sua triplicitate in angulo: Vti etiam proprio
in monte lineolas binas gestat.


EXEMPLUM XV.

Nascitur præcedentis frater A. C. 1589. Aprilis die 24.
mane hora quarta.

Diversam faciem utriusq; manus hîc apponimus.

I. In dextra conspicitur Epatica, sed concavum manus non
exit. Sic igitur vitæ brevitate[m] indicat; maxime quoniam à Vitali
ad epa-

ad epaticæ finem, linea quædam transversim dimittitur, illius pro-
gressum quasi interrumpens. Eadem Vitalis in sinistra recipit li-
neam ex Saturni tuberculo exorientem. Locus in Vitali ab illa
tactus ac ferè disruptus pertinet ad annum ætatis 25. circiter, quo
absq; dubio Horoscopus progressu corpus Saturni attinget: Ve-
nus quidem præsens est, sed alieno in signo: Vnde tunc difficulter
evadet natus. Ascensio obli: h̄ habetur $34 \frac{3}{4}$ hoc est, quintus
gradus Geminorum.



II. In sinistra deest Epatica, demittunturq; ē vitali ad mensalem binæ lineæ ferē parallelæ: Epatis imbecillitate in arguunt, malamq; eius compagine: tum quoq; ingenij pravitatem atq; morum.

III. Et si autem minimē tardum ingenium efficit Venus in ipsa orientis linea (propter latitud: sc. meridionalem $1\frac{1}{2}$ gr.) Attamen sub Martis hospitio seu signo alieno, natum inclinabit ad quævis flagitiorum genera, ad petulantiam, lasciviam, incontinentiam &c. Idem ostendit Mars genituræ dominus participante Venere, Mercurium sub Tauro retrogradum ex oppositione angulari impugnans: Denotat igitur seu potius efficit pugnacem, contumacem, violentum, parum fidelem &c. Quæ omnia ex mala dispositione linearum in manu manifestē decernuntur.

IIII. Cephalica sinistræ, ingenij vim auget: ut Mercurij quoq; tuberculum consentit, leviter tamen: quoniam duabus saltem incisuris notatur ad manus exitum. Venus tres fac claras in regione sua exhibet incisuras: quod reliquum est spacium, incultum reperi.

V. Soror Martia apparet in dextra: Sed in sinistra minimē. Iracundiam infert & ad bellicas artes invitat: quales sunt pugillatoria, fabrilis, omnis generis instrumenta bellica atq; arma extruens. Scilicet hoc restabat, ne Mars sub angulo atq; in propria domo invenitus, in manu ociosus conspiceretur. Sed tamen retrogradus, militiam infelicem reddit, aliasq; adversitates obijcit, in senio præsertim. Idcirco cum lineam propriam in manu utraq; neq; ostendat, neq; in altera decenter productam exhibeat, eius decreta imperfecta atq; minus prospera iudices.

VI. In sinistra variē tacta est vitalis: Tot igitur morbos numeros futuros, puta circa annum ætatis 7. 14. 25. 32. &c.

VII. Crux triplex circa Vitalem per Martis locum, Martis præsidium confirmat: Sed in re uxoria adversam fortunam, ac malam fidem nunciat. In genesi planē suspecta est eo positus Venus, maximē quod hospitiatorem suum in occidente habeat collocatum.

VIII. Saturnia infueto tramite descendens, fortunam plane corruptam arguit.

IX. Illa supra restrictam ad Lunæ regionem abiens, itidem adversitatum inimicitiarumque occultarum nota est. Et sane nihil ferè in genitura hac conspicitur, quod ad fortunam prosperam esset dispositum.

X. Dux lineæ in Lunæ tuberculo, peregrinationes indicant. Ut Luna quoque in domo nona, & Mercurius in prima,

XI. Abiectissimè collocatus est Iupiter: qui tamen locum suum lineola aliqua exornavit. Is triangulum constituit sub terreis signis, fulgente Luna in aspectu illius sinistro, Sole vero atque Mercurio, in dextro. Quapropter adversa quæque mitigat, fortiterque declinat, præsertim quæ ad animi impedimenta pertinent.


XII. Sol collocatus est in angulo, oriturque exactè cum Pleiadibus; denique trigono Iovis exponitur. Vnde sub eius monte crucem parvam conspicis, notantem, quod hic non planè obscurus sit victurus. Hæc diversitas linearum in manibus ex impedita imaginatione macrocosmi dimanat, ut suo loco edicemus.

EXEMPLVM XVI.

Nascitur quidam in Thuringia A. C. 1592. Martij d. 24. h. 3. min. 11. p. m. n. polo 51. gr. elevato.

Apposui hic quoque utranque manum, propterea quod in sinistra, thoracis sive mensalis & aliæ quædam minus principales lineæ alia facie invenirentur, atque in dextra.

Investigabimus iam ex quæstione, supra ad initium tractationis huius posita, utrum sinistra vel dextra commodius assumenda sit, ut constans hinc extruamus iudicium: An vero ambæ manus sint adhibendæ. Vtranque enim satis claras lineas exhibuisse deprehendi. Ergo cum de nocte matris ex utero prodierit hic ipse, signum masculo exoriente, Ioveque in primis ac Venere genituræ dominatum tenentibus; iam nihil certi apparet, utra manus sit eligenda:



quoniam ex æquo testimonia illa certant. Ascendit signum masculinum; Planeta itidem masculus præest. Nocturnum est geniturae tempus, foemininum sexum referens; Venusq; itidem, eiusdem sexus stella, principatus est particeps. Quapropter his ita se habentibus utraq; retinere cogimur, conciliatione adhibita. Eandem praxin in manus electione præcedens exemplum refert.

Venus recte se habet in utraq; manu, quoniam utring; in loco suo stellam ostendit. Libidinolum indicat, quicq; ad voluptuaria

pluaria quæq; feratur magno impetu: Vti luxuriat quoq; eadem stella proclinatione simili, sub propria exaltatione ad orientem inventa nobiliter. Locus eius desumptus est ex Alphonsi calculo, qui in eius loco determinando certior est: Alias demenda fuissent ab eius loco $\frac{5}{6}$ gr. Et sic locus eius in gradu Aquarum 29° mi. $38'$ haberetur.

II. Iovis locus itidem in manu utraq; probè cernitur affectus: perinde ut is in genesi propriam occupat domum, atq; per opportunam cœli plagam. Undecimus enim cœli locus, gaudium Iovis nuncupatur. Ambæ hæ stellæ, tam nobili favore genituram administrantes, fortunam splendidam concernunt stabilemq; excepto Saturni loco.

III. Is enim captivitatem infert, leviozem tamen, quia scilicet cadit sub Cancro, prærogativam duodecimæ possidens. In manu dextra demittit lineam ultra Martis locum, sed mox recurvatam versus ferientem: Rectiorem autem in sinistra. Progressus M. cœli ad Saturni oppositum, ostendit annum 36. vel 37. quo tempore alij quoq; characteres in eius tuberculo sese ostendent, infortunium illud præ foribus esse significatur.

III. Peregrinationis linea è Martis cavea procedens restrictam versus, in sinistra conspicitur: In dextra vero concisa ea est, & ad Cephalicam sese insinuat. Hinc diversam fortunam in peregrinationibus depræhendimus. Venus noni loci domina in ortu, prosperat itinera: Mars in tertia, illam prosperitatem impugnat: Sed vincit tamen Venus. Mars eo in loco taliter inventus litigia maxima cum fratribus aut propinquis nunciat.

V. Parallelæ tres utrinq; à Solis ac Mercurij tuberculo ad Vitalem deductæ, fortunam concernunt in Patria terra, ab aulicis, literatis, ac foeminis nobilioribus rectè obventuram: quæ decreta confirmantur ab illis paryis, in mensa dextræ manus inventis. Hæc omnia simul in genitura dependent à Iove, Venere, Sole,

6. Mercurij

VI. Mercurii locus non planè sterilis habetur: Vnde is ingenio non deest. Subsidio ei sunt Cephalica ac geniturae dominatores.

VII. Mensalis in dextra, integro itinere manum extremam attingit. In sinistra vero, eadem linea Mercurij tuberculum non pertransit: Illinc igitur membrorum principalium genitaliumve robur designat: Hinc verò in iisdem, in genitalibus præsertim, damnum aliquod: Quale illud futurum sit, non ita audacter pronunciandum.

VIII. Epatica in dextra, extremitatem ferientis non exit, uti fit in sinistra: Hic decrepitam senectam indicat: Illic non item, quamvis sit satis decenter producta.

IX. Vitalis in utraq; manu tum ductu tum etiam contactu aliarum congruit. Capillamenta igitur in eius exordio, morbidam infantiam præfagiunt. Alij morbi prænotantur circa annum ætatis 14. 21. 25. 32. &c. Quinquagesimum sextum itidem observabimus: Vbi si malum apoplecticum imponere hunc natum præterierit, longiores ipsi vitæ annos pollicebimur: Illa eadem tempora absque dubio directionibus suis respondebunt.

EXEMPLVM XVII.


Natus est alius in Thuringia sub polo 51. gr. A. C. 1588. Septemb. d. 21. hora septima matutina.

I. Quæ stellæ dominantes in genitura habentur: Ex quoq; in manu ipsa perbellè cernuntur: puta Venus, Mercurius, Iupiter, Mars. Via Solis ac Saturni dissecta est: Lunæ regio obscuriorem picturam refert.

II. Venus igitur stellam suo in loco ostendens, animum indicat lascivum, ingeniosum, hilarem &c. ut supra pag. 7. de eius ingenio scripsimus. Rectissimè igitur Veneris positura & in manu & in genesi congruit: Hic enim sub propria domo in ipsa orientis linea emicat. Ascensio eius obliqua habetur $202\frac{1}{4}$, h. e. $15\frac{3}{4}$ Libræ.

III. Mercurius pari ratione præsidium suum felicissimum monstrat, proprio in loco stellam crucemq; & incisuras appostas exhibens:

bens: Vti in genitura ipsa nobilissimè collocatus est, propria sub
domo coeli locum competentem possidens: Vnde quæ eius sunt in
genij, cumulo favore confert: Vide hæc supra, ubi de Mercurij
dominio egimus, Pag. scilicet 9.



III. Veneris lasciviam luxuriamq; incontinentem admodum,
confirmat cingulus Veneris non obscurus: Idem sub Saturni ac
Solis digito intercisis, ob libidines damna nunciat: confirmatur hoc
decretum à Venere, in ortu per Libram retrocedente,

K

V, Cernis

V. Cernis etiam Iovis præsidium, incūsuris & cruce duplici notatum. Honoribus favet, reddit spectabilem, lætum &c. peculiariter insperatum ibi auxilium suggerit. Directus is est in genituræ ac licet in detrimento suo versetur, gaudet tamen eo loco cœli, propè caudam Leonis ac Lunæ nodum evehentem; dispositore eius feliciter se habente. Quin & Marti iunctus est intra decē partes. Pulsatur autem à Saturni quadrangulo; Vnde de favore suo aliquid amittit.

VI. Martis Soror quidem adest, attamen obscuriori ductu, rimā demittens ad Iovis tuberculum. Dixi supra, me ex tali Sororis Martiæ effigie, sæpenumero depræhendisse Iovis ac Martis conjunctionem in genituris. Mars igitur ita inventus propè Basiliscum seu Regulum, animositatem auget iracundiamq; Sed & litigiorum finem optatum significat. Idem Lunæ adversus, propter oppositionem partilem, adversitates aliquando adducit in honoribus, matrimonio, filiis, re pecuniaria; Insuper populi favorem ita inventus subtrahit.

VII. Optimè conformantur Epatica, Cephalica, Triangulus, & deniq; ipsa mensa. Præterea eadem mensa à lineis, de Veneris regione ne istuc deductis, appositè exornatur. Ex his omnibus in universum non solum valetudinem prosperiorem depræhendimus, sed & ingenium, animi dotes optimas, dignitates eximias; Præsertim intra patriam; ex rebus Veneri sacratis.

VIII. Linea illa, è Vitali curvo tramite per coneavum & epaticam adferientem in mensa abiens, quò aliæ quoq; incisuræ tendunt, infra Solarem regionem; litigia videntur mihi significare in senio propter honoris existimationisq; tutelam.

IX. Via lactea per se probè exarata, cerebri nuneiat bonitatem, mulierum gratiam, sermonis suavitatem; felices deniq; peregrinationes; Vti quoq; in genesi ipsa Mercurius, noni loci dominus sub propria prærogativa, sed & in cœli loco competentem, atq; extra mælesicorum radios.

XI. Aliæ lineæ intricatæ in Triangulo, confusa negocia præfagiunt in ijs rebus, quæ ad Martem, Lunam atq; Mercurium pertinent.

X. Solis

XI. Solis via interrupta est à cingulo Veneris: horribus ex re uxoria labem illatura.

XII. Saturni tuberculum eam notam ostendit, quam supra in exemplo quarto cernimus; podagram minatur, ac Saturnias aliquas ægritudines non leves: quod ipsum è Saturni stella, in mortis plagam recidente, deprehenditur, Lunam Martemq; quadrangulo platico lædente.

XIII. Vitalis aliquoties tacta ab alijs, alicubi etiam prorsus inter-cisa, morbos notat circa annum ætatis 14. 20. 24. 30. 48. &c. Horo-scopus procedit ex Libra in Scorpionem circa annum ætatis 20. atq; ibi in Martis terminis commoratur per novennium. Saturnus inauspicatus in genituris, post primam revolutionem, h. e. post annum 29. ac 30. (quanto temporis spacio signiferum permeat) virus suum vehementius evomere consuevit. Quid crux appo-sita, supra restrictam inventa, denotet, sæpius dictum est. Reliquæ incisuræ præsertim quæ Saturniam videntur adumbrare, satis exis-les atq; obscuræ hoc tempore sunt inventæ.

EXEMPLVM XVIII.

Natus est quidam Erphordix Anno Christi 1589. Maij d.

3. h. 1 $\frac{3}{4}$ p. m.

I. Genituræ dominatus cedit Veneri, Mercurio, Iovi. Idcir-cò vides loca eorum satis decenter exornata.

II. Hinc igitur ingenium felix, & alia prædicimus, quæ à Iove, Venere ac Mercurio defluunt.

III. Ingenio, alijsq; animi ac corporis dotibus, subsidio est trian-gulus, optima conformitate productus.

IIII. Lunæ quoq; præsidium indicat eius regio, non abjectis inci-suris notata: itineribus prosperis favet, splendorem corpori mori-busq; addit, mulierum gratiam conciliat; quod ipsum planè desi-gnat sub Cancrò, in cœli culmine.

V. Iovis lineæ aliquantulum turbantur: Vnde eius conditio mediocris

mediocris censenda venit. Honores quidem designat non abjectos, sed tamen non sine difficultatibus, sine impedimentis.



VI. Veneris Mercurijq; congressus Venereo in signo ac Iovis trigono partili, perquam felix habetur. Idcirco ad artes quoq; Veneri ac Mercurio dedicatas, animum excellenter inclinatur. Eloquentissimum hominem futurum video, Hunc congressum, hocq; ipsum decretum non obscure indicant binæ illæ lineæ parallelæ, à Mercurij regione ad Veneris regionem protractæ, instar scalæ. Hanc ipsam picturam

pieturam in exemplo xv. ferè conspicimus: cui puero linguæ volubilis ac festinanter pronunciantis non deest beneficium.

VII. Saturnus ominosa signa ostendit suo in tuberculo, quæ vulnèra graviaq; alia accidentia significant. Quin eiusdem sub monte, à thorali in manus concavum descendens linea, præcipitium minatur, aut submersionem. Tale quippiam in genitura indicat Sol, læsus à Saturno per coniunctionem, prope Hyades; Marte, octavi loci domino, in detrimento suo versante.

VIII. Vitalis tripliciter tangitur: Primò, à Cephalica; sed quia ibi Vitalem minimè perrumpit, non adeo gravem ægritudinem illam iudicemus. Luna ad Martis quadratum descendit circa annum ætatis 18. Deinde ad reliquas incisuras congruet absq; dubio Horoscopi progressus ad Martem circa annum ætatis 47. Et Lunæ demum ad Saturni quadrangulum circa annum 54. quibus pericula illa violentæ mortis nato sunt præcavenda.

IX. Mensa optimè exarata, ingenij temperamentiq; bonitatem confirmat ac fortunæ secundæ constantiam. &c.


In his exemplis quilibet harum rerum cupidus sit admonitus, omnes incisuras lineolasq; in unum versum à nobis non esse depictas: partim quod maxime exiles illæ erant: partim etiam, quod tam accuratè, ut par est, describi minimè poterant. Præterea in illis ipsis lineis, ad præcedentia exempla passim positis, observandum diligenter, alias debere esse obscuras atq; exiles, alias verò claras: Unde cautius in illis, ad alia exempla accommodandis, agendum. Solertia pictoria nunquam assequitur talem linearum formam ad amussim, qualem manus ipsæ nobis commonstrant.

accommodationes aliquas
Ex genituris sæpè præterivimus, quod illa decreta, tanquam per se nota, nauseam ferè commovissent legentibus.

EXEMPLVM XIX.

Ut negotium præsens commendationi exemplo absolvam.

Chiromantica praxi integrum geniturae iudicium subiungam;
 qualiter amico cuidam Saxoni, annis ab hinc duobus fere, delcri-
 psi: Natus est A. C. 1561. Ianuarij d. 17. h. 13. 35 $\frac{2}{3}$ p. m. sub
 elevatione 54 $\frac{3}{4}$.



Quinq; hic reperiuntur erraticæ, proprijs sub prærogativis
 excellenter collocatæ; Saturnus atq; Mercurius ex domibus sunt re-
 cepti, & in triplicitate sua versantur: sic Iupiter ac Mars ex ipsis do-
 micilijs permutatis potestatem debitam sibi arrogant, Venus item
 sub

sub propria exaltatione in angulo subterraneo commoratur. Luna demum in triplicitate sua est: sed debitum lumen à Sole nondum adeptam, multo per eam silet. Mercurius ac Saturnus per trigonum egregie uniantur. Pars fortunæ cum corde Scorpii coarctatur. Genitura dominatus cedit in primis Veneri ac Iovi: tum etiam Saturno ac Mercurio, &c.

1. Vita longæva conijcitur ex Horoscopo ac Luminaribus non impeditis: licet Luna à Marte per quadrangulum prematur: Ab ea tamen prius horoscopi processus ad Saturni oppositum, de quo postea.

2. Temperamentum omnino æquali humorum mistura excellit: quoniam à Iovi ac Veneris perfusione fermentum in primis recipit suum: Saturno ac Mercurio melancholicum succum laudabiliter aspergentibus.

3. Hinc vis illa videndi representandiq; (phantasiam vulgus nominat) nil nisi moderatum, rationiq; consentiens spirat: Idcirco natos suos efficit probos, rectos, sapientes, quietis ac tranquillæ consilijs deditos: recta honestaq; ubiq; sequentes & iniuriam dicando & in consulendo: Quos etiam laudis gloriæq; cupiditas multo per eam ad se trahit: in quibus tamen assequendis non recedunt ab insita modestia ac temperatione, neq; à bonis artibus, quibus honor ac vera gloria comparari solent. At quia Saturnus atq; Mercurius, excellenter simul collocati (propter receptionem trigonumq; aspectum partilem) vires cumulatè conferunt suas; natum faciunt abunde diligentem, in artibus negotijsq; suis: ita ut in ijs administrandis singulari utatur sedulitate accuratè; sciscitetur occulta, studeatq; incumbens ad arcana penetrare, rerumq; naturæ causas inquirere: civiles constitutiones non ignorare: hominum explorare secreta: In universum, ad omne genus scientiæ tales invitantur. Venus dominatus in genesi in primis particeps, nati commotiones efficit iucundas, hilares, voluptuarias: ita tamen, ut beneficentiæ studeat amicitijsq;, quarum erit observantissimus. Quo fit, ut gratus sit omnibus, abhorreat à turpibus, capiatur munditijs, leporibus, cultu, ornatu, elegantia.

4. Venus igitur cum Iove felicitatem promittit maximam, in negocijs tum politicis tum etiam Ecclesiasticis.

5. Ingenii excellentis decreta sunt apertissima: 1. Mercurius sub Aquario per se ingenij vires suscitatur, 2. iam vero & à Saturno ex domicilijs recipitur, & trigono eius partiliter illustratur, 3. Venus angularis idem efficit, 4. maximè verò Luna ac nodo evehenti ibidem repertis, 5. Mercurius quidem ac Luna asyntheti sunt, sed tamen uterq; Horoscopo per aspectum adhæret; hæc per triangulum platycum, ille per quadratum partilem.

6. Iupiter secundæ dominus, directus, à Marte receptus, divitias apertè promittit permultas. Auget hoc significatum excel-
lentius pars fortunæ, in secundo loco reperta sub Iovis dominio aspectivè. Augmentum divitiarum acquirunt suum ex servitijs fideliter præstitis, ex honoribus dignitatibusq; eminentissimis, in tertia seu ultima ætate abundantius.

7. Mercurius, culminis hospitor, cum Saturno opportunum habens commercium, haud obscuras dignitas prælagit, Antea quoq; de Iovis Venerisq; præsidio diximus, qui cum genituræ dominatum pari potestate assumant, quæ fieri potest, ut natum charissimis quibusq; dignitatibus non cohonestent?

8. Damnum in re familiari aliquando dabunt propinqui; tum quoq; in extructione ædificiorum plurimum expendes.

9. Mars in sexto loco dominator, infirmitates suscitatur calidas, sed non adeò vehementes propter Iovis interventum. Caterum Mars sub Sagittario plerumq; tartarum procreat in pedibus: Eo sub signo in sexta si reperitur, podagram infert inevitabiliter; cuius insultus quidem non tolluntur, nisi ex influentia Sagittarij, Piscis &c. de cælo ipso deducta &c. Etiam remedia quædam plurimum possunt, sed artificio tamen haud vulgari parata.

10. Mors omninò naturalis futura est ex Chronica aliqua infirmitate, Saturni imprimis, ut sunt destillationes ad fauces, pectus, pulmones, lienem &c. quamvis senectus ipsa per se morbus sit, atq; ad mortem ipsam aditus facilis.

11. Peregrinationes honorificas decernit Sol ac Luna, noni loci dominium suscipientes. Mercurius in tertia, laudabiliter collocatus, itinera affert, quæ honorum dignitatumq; gratia suscipiuntur, & ad personas literarum cultura, dignitateq; tum politica tum Ecclesiastica spectatissimas, diriguntur.

12. Venus, undecimi loci domina, amicorum optimorum concernit multitudinem, Mars tamen, Venerem de quadrato conspiciens, aliquorum suscitabit invidiam, litigia sæpenumero seminantem; ac bona quæq; invertentem.

13. Victoriâ de inimicis, quorum quidem paucitas denunciatur, eadem Venus afferet: quod septimæ plagæ præsit, atq; angularis sub propria exaltatione reperiatur.

14. In contrahendo connubio res benè cadet quo ad bonorum affluentiam. Tamen infidelem hac in re rixosumq; Martis quadratum, luxuriosumq; suspice. Sed hoc negotium ut plurimum ex libero hominis arbitrio pendet; & iuvenilis ætas præ imperitiâ ac temeritate, sua damna per sæpe experitur.

Jam considerabimus signa per 4. cardines dislocata.

15. Scorpius in ascendente, nascentibus largitur ingenij acumen, ornatum, dicendi copiam. Vitia quoq; instillat sæpè maxima, infidelitatem, invidiam, avaritiam, ingrati tudinem; quæ literarum scientiâ rectaq; exterminat ratio. In prima ætate multis sunt laboribus oppressi, atq; diverso infortuniorum genere laborant: Sed procedente tempore ab ijs liberantur, si Iovis Venerisq; beneficium adfuerit, uti in præsentî tua genitura. Quin patriam quoq; mutant domicilia vè; amicorum causa sæpè in pericula incidunt.

16. Virgo culminans, natum ipsum ad magistratus administrationesq; extollere solet: confert magnæ potestatis licentiam. Multa in alios beneficia transfert, à quibus disparem reportat gratiam.

L

17. Taurus,

17. Taurus in occasu, adversarios tibi obijcit tales, quos ipse tandem infortuniorum genere videbis oppressos, proclives ibi facit in amores, luxus, delicias, iocos.

18. In imo positi pisces, multam fidem, integritatem, ingenij dexteritatem instillant natorum animis; quam ob rem magnam sibi auctoritatem in administrationibus suis ij conciliant. Ad aquas libenter ipsi deambulant habitantq; Sed à re uxoria ferè abhorrent.

Planeta in cœli domibus.

19. Sol in tertia, itinera decernit in causis honorum ac dignitatum; affert mutationem locorum; honorem extra Patriam.

20. Mercurius ibidem, benè positus, reddit doctissimum in omni scientia, cuius generis exempla de promere possem innumera: ij proprio ingenio multa inveniunt; fortunati sunt in rebus Ecclesiasticis, scriptura, mercaturis.

21. Venus in 4. excellentissimè collocata, dabit tibi possessiones habitationesq; magnificas, in ultima præsertim ætate; finem vitæ tibi declarat honorificum ac laudabilem.

22. Mars in prima, non malè sese habens, facit animosum, præcipitem, ac subiracundum; interdum vulnera in capite ac facie præfigit.

23. Iupiter in quinta, magnorum Virorum aliquando munera conferet maxima; fortunatum in legationibus efficit.

24. Saturnus in octava sic nobiliter repertus, hæreditates multas confert; mortem concernit ex catharris, tussi &c. sæpè etià ex peste.

Planeta in signis.

25. Sol in Saturni domo, Vitalem virtutem efficit robustiorem ac quasi compactiorem; unde vitam longiorem pollicetur.

26. Luna in Iovis hospitio, bona quæq; promovet; hic tamen à Marte læsa quadrangulariter, contentiones aliquas in possessionibus excitat; febriculas sæpius reiterat.

27. Satur

27. Saturnus in Mercurij domo, ingenium dat profundum, scientias occultas.
28. Iupiter in Martis hospitio, non malè affectus, victoriosum efficit.
29. Idem Mars in Iovis domicilio denunciatur; ambo hac ratione natum apud principes Magnatesq; acceptum reddunt cum autoritate.
30. Venus in Iovis domo, multa confert bona vel per mulieres, vel per munia Ecclesiastica: facit discretum, honestum, integrum; aliquando rixas cum propinquis tuis adducet, & cum amicis quibusdam, quoniam Martis quadrangulo exposita est Venus.
31. Mercurius in Saturni hospitio, semper ingenium profundum instillat, omnium scientiarum cupidum.

Locorum prepositi.

32. Dominus Horoscopi à Iove receptus ex domibus, generositatem animi aperte indicat.
33. Hospitator secundæ domus in quinta, censum auget ex muneribus, quæ à magnificis Dominis conferuntur.
34. Dominus tertiz in octava, itinera efficit aut propter demortuos, aut pestilentiz causa: sæpè fratres maiores interimit.
35. Dominus quartæ in quinta, fortunatum efficit in agricultura aut navigationibus.
36. Dominus quintæ in quarta, gaudium delectationemq; nato affert ex rebus immobilibus, ut ex ædium splendorum extructione; hortorum elegantissimorum cultura: significatum illud hoc in loco Venus confirmat indubitanter, quoniam sub ipsius dominio eiusmodi res continentur.
37. Mars, sextæ dominus in primam sese insinuans, aliàs multas calidas excitat ægritudines; sed hic à Iovis receptione temperatur.
38. Dominus septimi loci in quarta, litigia obnunciat ratione hæreditatis patris aut uxoris: præsertim quoniam hic à Marte truculentius conspicitur.

39. Dominus octavæ intertia, facit ut natus sit superstes omnis
his suis fratribus: Sæpè mortem extra patriam designat.

40. Dominus nonæ intertia, peregrinationes affert dignitatum
gratia.

41. Decimæ intertia, excellenter positus, efficit honoratiorem
suis fratribus omnibus.

42. Undecimæ intertia, fortunam secundam decernit circa bo-
na immobilia præsertim in senio.

43. Duodecimæ dominus intertia, similitudines contentionesq;
insinuat propter possessiones ac bona Ecclesiastica. Hæc satis sint
in generalibus decretis.

Iam si manus lineas principales considerabimus, eadem si-
gnificata ubiq; deprehendimus, curta tamen suppellectile significa-
torum. Diximus ipsa teste experientia, lineas minus principa-
les suo tempore variari, pro locorum coelestium stellarumvè signi-
ficatricium progressionibus: Quo fit ut ex ijs rectius aliquid inve-
stigemus, quando illæ aut de novo oriuntur, aut clarescere incipi-
unt.

1. Vitalis continua quidem est, sed incisura tamen notata, li-
cet levioribus. Morbos hinc aliquos iudica circa annum ætatis
14, 30, 40, &c.

2. Venus in genitura benè se habet: Sic igitur regionem quoq;
suam consuetis sulcis exarat.

3. Epatica satis decenter producta, atq; a sectionibus libera, bonam
epatis temperiem ostendit, sanitatemq; atq; satis longævus annos.

4. Ramosa est mensalis, divitiarum augmento studet.

5. Mensa ipsa satis decenti spacio concinnata est, Iovis chara-
cterem è regione annularis perspicuè gerens: Honorum, præser-
tim Ecclesiasticorum, splendidissimum argumentum.

6. Idem indicat Iovis locus, clarissima lineola depictus: Vt
Solis quoq; tuberculum nequaquam ineptè exaratum.

7. Lunæ regio, clariori incisura conspicua, peregrinationes
notat.

8. Conspi-

8. Conspicuum quoque est Mercurij præsidium, suam regionem optimè exornantis, uti quoque primam minimi digiti iuncturam.
9. Ingenio favet Cephalica, decenter triangulum efformans: Eidem rei præstò sunt Iupiter, Venus, Mercurius.
10. Saturnus etiam significata quædam insinuat, præsertim morbum aliquem, sub suo digito characterem gestans.
11. Lineæ parallelæ per mediam manum ferientem versus, felicitatis argumenta confirmant.
12. Saturnia, ad Epaticam usque producta, iudicii actuum re-ctitudinem notat: Eadem crucem habens supra restrictam, tranquillam atque honoratissimam senectutem arguit.

Electiones generales.

In pharmacorum purgantium usu, observabis Lunæ decursum in Scorpio, Aquario ac tertia Piscium decade: Iovi tamen iuncta ea non sit, uti nec ipsi Veneri. Horum enim congressus cum Luna, vim purgantis medicamenti inhibet: quoniam corpori student, atque medicamentum ad nutrimenti naturam proclinat. In alijs actionibus, (ut in ædium emtione, in peregrinationibus administrationibusque noviter auspicandis &c.) Luna perlustret Aries, Taurum, Cancrum, Leonem, Libram, Aquarium, in aspectu alicuius fortunæ. In his ipsis dies Mercurij, Iovis, Venerisque auspiciores statues.

Ne autem mutilata sit hæc genitura, studiosis astrologiæ eam integrè ut confeceram, exhibeo: maximè verò, quod de vulgarium numero non sit, ac satis diligenter concinnata.

*Speciale iudicium huius genitura, exhibens
principalium locorum progressiones,
earumque decreta.*

L 3;

Horoscopus

1. *Horoscopus ad corpus Martis.*

Martis locus	3. 10. Sagit.
Latitudo	0. 6. Sept.
Declinatio	20. 56. M
Ascensio recta	241. 6.
Circulus posit.	54. 45.
Differ. ascens.	32. 47.
Ascens. obl.	273. 53.
Directio quaesita	29. 40.
Est autem ascensio obliqua	
Horoscopi 144. 13.	

2. *Horoscopus ad sextilem Solis.*

Sextilis Solis	8. 0. Sagit.
Ascens. obl.	280. 32.
Directi: quaesita	36. 19.

3. *Horoscopus ad cor Scorpij.*

Cor Scorpij	3. 45. Sagit.
Latit.	4. 0. M.
Declin.	24. 53.
Ascens. R.	240. 53.
Differ. asc.	40. 52.
Ascens. obl.	281. 45.
Dir. quaesita.	37. 32.

4. *Horoscopus ad Saturni oppositum.*

Satur. oppos.	13. 40. Sag.
Latitudo	2. 20. S.
Declin.	20. 10. M.
Asc. R.	252. 34.
Differ. asc.	30. 36.

Asc. obl.

283. 10.

Dir. q.

18. 57.

5. *Horoscopus ad Trigonum loci vis dextrum.*

Trig. 24	19. 30. Sagit.
Latit.	0. 43. S.
Declin.	22. 23. M.
Asc. R.	258. 36.
Differ. asc.	35. 41.
Asc. obl.	293. 17.
Dir. quaes.	47. 4.

6. *Horoscopus ad 26 gr. Sagittarij, Saturni terminum, habet an. 59. 20.*

7. *Ad finem Sagittarij 63. 47.*

8. *Horoscopus ad Sextilem Veneris dextrum.*

Sextilis Veneris	4. 30. Cap.
Latitudo	0. 27. M.
Declin.	23. 50. M.
Asc. R.	274. 55.
Differ. asc.	38. 36.
Asc. obl.	313. 31.
Dir. quaesita	69. 17.

Directiones Solis.

Solis locus	8. 0. Aqu.
Declin.	18. 19. M.
Distantia ab I. C.	23. 47.
Circulus posit.	21. 40.
Ascensio obl.	318. 0.
	9. Sol

9. Sol ad quadratum Martis sinistrum.

Quadr. Martis	3. 10. Pisc.
Afc. obliqua	339. 9.
Dir. q.	27. 9.

10. Sol ad Venerem.

Venus	4. 30. Pisc.
Latitudo	0. 55. M.
Declin.	10. 44.
Afc. R.	336. 43.
Diff. asc.	4. 28.
Afc. obl.	340. 11.
Dir. quaesita	23. 11.

11. Sol ad quadratum Saturni dextrum.

Quadr. Sat.	13. 40. Pisc.
Afc. obl.	347. 32.
Dir. quaesita	29. 32.

12. Sol ad Trigonum Martis sinistrum.

Trigonus Martis	3. 10. Arie.
Afc. obl.	52. 24.
Dir. q.	44. 24.

13. Sol ad Sextilem proprium.

Sextilis Solis	8. 0. Arie.
Afc. obl.	6. 7.
Dir. quaesita	48. 7.

14. Sol ad Sextilem Saturni dextrum.

Sextilis h.	13. 40. Ari.
Latitudo	1. 10. M.
Declin.	4. 27. S.
Afc. R.	13. 0.
Differ. asc.	1. 40.
Afc. obl.	11. 20.
Dir. quaesita	53. 20.

15. Sol ad corpus Iovis.

Iupiter	19. 30. Ari.
Latitudo	1. 26. M.
Declin.	6. 20. S.
Afc. R.	18. 32.
Differ. asc.	2. 31.
Afc. obl.	16. 1.
Dir. q.	58. 1.

16. Sol ad Sextilem Veneris sinistrum.

Sextilis Ven.	4. 30. Taur.
Latit.	0. 26. M.
Declin.	12. 40. S.
Afc. R.	32. 22.
Diff. asc.	5. 7.
Afc. obl.	27. 15.
Dir. q.	69. 15.

17. Sol ad Trigonum M. caeli peruenit in annis 66. 50.

Directiones

Directiones Veneris.

18. *Venus ad Sextilem Solis.*

Sextilis Solis	8. 0 Ar.
Afc. R.	7. 20.
Afc. R. Veneris	336. 21.
Dir. q.	30. 59.

19. *Venus ad Iovem.*

Iupiter	19. 30. Ar.
Latit.	1. 26. M.
Afc. R.	18. 32.
Dir. quæſita	42. 11.

20. *Venus ad Sextilem proprium.*

Sextilis Ven.	4. 30. Tau.
Afc. R.	32. 34.
Dir. q.	56. 13.

Directiones M. cæli cuius Ascensio recta habetur 154. 13.

21. *Med. cælum ad Sextilem Martis.*

Sextilis ♂	3. 10. Lib.
Afc. R.	182. 54.
Dir. q.	28. 31.

22. *M. C. ad Trigonū Solis dext.*

Trig. ☉	8. 0. Lib.
Afc. R.	187. 20.
Dir. q.	33. 7.

23. *M. C. ad Trigonum ♀ ac ♀ Trigon. ♀*

Trigon. ♀	13. 40. Lib.
-----------	--------------

Latitudo	1. 10. S.
Afc. R.	191. 0.
Dir. quæſita	38. 47.

24. *M. C. ad spicam Virginis.*

Spica Virg.	17. 40. Lib.
Lat.	2. 0. M.
Afc. R.	195. 32.
Dir. q.	41. 19.

25. *M. C. ad oppositum Iovis.*

Oppos. Iovis	19. 30. Lib.
Latitudo	1. 26. S.
Afc. R.	198. 32.
Dir. quæſita	44. 19.

26. *M. cælum ad trigonum Ven. dext.*

Trigonus ♀	4. 30. Scor.
Lat.	0. 26. S.
Afc. R.	212. 23.
Dir. quæſita	58. 10.

27. *M. C. ad lancem Libræ australis.*

Lanc. Libræ	9. 0. Scor.
Latit.	0. 40. S.
Afc. R.	216. 50.
Dir. quæſita	62. 37.

Directiones partis fortunæ.

28. *Pars fortunæ ad Sextilem Veneris.*

Sextil.	
---------	--

Sextilis Ven.	4. 30. Capr.
Latit.	0. 28. M.
Decl.	23. 51. M.
Afc. R.	274. 55.
Dist. ab I. C.	59. 18.
Circulus pos.	40. 20.
Differ. asc.	22. 2.
Afc. obl.	296. 57.
Dir. quæsitæ	28. 6.

29. *Pars fortunæ ad Antiscium Martis.*

Antiscius ♂	26. 50. Capr.
Declin.	20. 47. M.
Afc. R.	298. 55.
Dist. ab I. C.	35. 18.
Circ. pos.	29. 0.
Afc. obli.	310. 26.
Dir. quæsitæ	48. 45.

30. *Pars fortunæ ad corpus Solis*
dat annos 60. 30.

31. *Ad Trigonum Saturni.*

Trigonus h	13. 40. M.
Lat.	1. 10. S.
Declinatio	15. 36. M.
Afc. R.	315. 48.
Dist. ab I. C.	18. 25.
Circ. pos.	18. 12.
Differ. asc.	5. 15.
Afc. obl.	321. 3.
Dir. q.	64. 22.

32. *Pars fortunæ ad Sextilem Iovis dextrum.*

Dat annos 71. 12.

Directionum præcedentium decreta.

Anno ætatis 22. currente, Solis progressio ad quadratum Martis, excitavit absq; dubio aliquam humorum commotionem, aut in peregrinationibus adversitates: Sed Venus gradui directionis corpore assistens, adversum omne facile declinavit.

Anno ætatis 24. Sol ad corpus Veneris procedens, dignitatem aliquam obnuntiabat, aut nominis commendationem apud Ecclesiasticos atq; alios magnates. Pervenisti, nisi fallor, eo tempore ad boni illius, quod nosti, possessionem.

Anno ætatis 29. Pars fortunæ ad Sextilem Veneris dextrum, ac M. coelum ad Sextilem Martis decedentes, bonorum incrementa negotiorumq; felicem ac celerem successum attulerunt.

Bib. Acc. Genovesæ pars M

Anno



Anno ætatis 30. currente, Horoscopus attingens progressu corpus Martis, & Sol Saturni quadrangulum, attulerunt humorum alterationem eam, ex qua febris illa quartana fuscitata est, quæ anno sequenti recidiva fuit, sed commutata in tertianam. Ex hoc acciden-
te manifesto, significatoribus suis apertè respondente, præsens cœli figura correctæ est. Vnde de sequentibus directionibus nihil dubij relinquetur; quippe quæ satis diligenter atq; fideliter per calculum sunt erutæ, inq; significatis suis enucleatæ.

Anno ætatis 31. Venus progrediens ad Sextilem Solis sinistrum, nominis exultationem ampliandam indicabat, præsertim in locis extraneis. Consecutus es mox insignia Doctoralia in V. l. & alia quædam, privilegia honorifica. A. C. 1592. 16. Maij. stylo Veteri. Profectio M. cœli exactè attigit Mercurij Sextilem sinistrum; Venus vero trigonum Mercurij dextrum.

Anno ætatis 34. M. cœlum ad trigonum Solis discedens, nominis celebritatem augebit, in locis extraneis: Sed quia Sol non admodum est potens, effectus huius directionis redditur obscurior, ac quasi privatus.

Eiusdem generis est 9. directio, incidens in an. ætatis 37. ampliabit hæc nominis eruditionisq; celebritatem in aulis Magnatum, alijsq; locis.

Anno ætatis 38. Horoscopus decedens ad cor Scorpij, mala inferre consuevit oculis: interdum vuln⁹ aliquod infligit, aut febriculam excitat vehementiusculam, Mars Horoscopum quadrangulo pertransit circa 27. & 30. Augusti Calendarij antiqui: An. Chr. 1598. Mox verò ipsum Horoscopum corpore perstringit idem 13. Octob. Rursus quadrangulariter ex Aquario 8. Ianu. A. C. 1599.

Directio Horoscopi ad Saturni oppositum, incidit in annum ætatis 39. completum ferè, Chr. 1600. Minatur autem morbum satis periculosum, virium scilicet dejectionem omnium, venena, pestis pericula, epidemiam, cathartos repentinos &c. Profectio seu revolutio Solis ad Martis oppositum continget A. C. 1600. 20. Novemb. circiter. Horoscopi ad quadratum Martis sinistrum circa

21. Septe.

2). Septemb. Cal. Veteris. In transitu observabis). 7. & 8. Iulij, ferias Epiphaniarum: Tum etiam 22. & 24. Septem. 24. 25. 27. 30. Novem. 2. 4. 6. Decemb. His ipsis diebus Mars transitu horoscopum inficit.

QVÆSTIO,

AN AB HAC AEGRITVDINE SIS
RESPIRATVRVS?

Respondeo: Annus quidem iste gravis erit ac satis periculosus: Sed quia in finibus beneficis directio præsens versatur, sequaturq; radijs suis triangularibus Iupiter, omnino dico, hunc annum tibi non fore exitialem. Ptolomæus & Astrologi regulam habent, ipsa experientia comprobata; quæ talis est: Beneficæ stellæ gradum directionis minacis suorum orbium medietate respicientes, malignitatem eius refrænant, morbiq; curationem facilem reddunt. Sufficit igitur triangulus Iovis, gradum Directionis Horoscopi hic benigniter collustrans. Accedit prudentia humana, quæ malum imminens si non extoto avertit, ita tamen declinat, ut nec illud sit grave adeo, nec noxium. Qui sciens est, multos stellarum effectus potest avertere, si naturam earum cognoverit, Ptolom. in Centiloq. aphorismo v. Admoveantur præcedenti tempore medicinae tum purgantes corpus ab illuvie humorum, tum confortantes membra principalia, ac firmantes Vitalem Spiritum nativumq; calorem: quæ alterius sunt professionis. Ipse Scorpius, uti etiam Serpentarius, de coelo deductus, (loquar cum Virgilio) gestantē tutum reddit à febribus, veneno, pestilentia. Secreta sunt hæc.

Anno ætatis eodem, M. coelum ad trigonum Saturni sinistram perveniens bona decernit demortuorum causa, aut possessiones antiquas, dono à sene quopiam adventuras.

Annus ætatis 42. ac 43. Honorificus ac prosper futurus est: quoniam Coeli apex ad spicam Virginis accedit, Venus verò ipsa ad corpus Iovis.

Hac ratione insigne aliquod bonum afferent in augmento dignitatum ac divitiarum; idq; magnifici

cuiusdam viri beneficio. Observabis diem Iulij 14. A. C. 1602. Mox etiam 11. ac 16. Aug. Item 3. Septembris. Anno verò sequenti 1603. 22. 23. Ianua. 7. & 8. Iunij. Hic profectio Solis trigonum Iovis sinistrum assequetur; Illuc, M. cœlum ad Venerem ipsam accedet.

Anno ætatis 45. M. cœlum ad Iovis oppositum decedens, amicitiam magni alicuius Domini intercipiet, aut labefactabit; quo tempore cautius res tuas expedies apud Magnates &c.

Eodem anno, Sole ad Martis trigonum recedente, in amicitiam alicuius bellicosi viri devenies non absq; lucro aliquo. Eius benevolentia, officijsq; prosperè uteris.

Anno ætatis 48. Christi 1608. Horoscopus deveniens ad trigonum Iovis dextrum, corpori sanitatem concedet prosperissimam, largietur conversationem cum magnis viris, ex qua bona maxima expectanda veniunt.

Eiusdem generis est subsequens, Solis scilicet ad Sextilem proprium in sinibus Veneris, incidens in annum ætatis 49. Chr. 1609. Hoc eodem Sors progrediens ad Martis antiscium, augebit expensas propter consanguineos atq; peregrinationes; cavenda etiam tum sunt furta domesticorum, aut nunciorum.

Anno ætatis 45. Chr. 1614. Sol progrediens ad Sextilem Mercurij sinistrum ac Saturni dextrum, ampliabit auctoritatem nominisq; tui estimationem apud literatos, aut per eos. Cum enim naturali quodam impetu, indefessus feraris & ad magnarum rerum scientias, & ad occultorum quorumlibet cognitionem; facile ego vis deo, qualis quantusvè mox futurus sis. Perge audacter, ut proprio ingenio satisfacias, ut proprium fatum promoveas.

Annus æta. 57. ac 59. futurus est perhonorificus omniumq; optatissimus. Experieris tum possessionum, laudum, dignitatum, auctoritatis, accretiones insignes. Decedet tum Venus ad Sextilem proprium; M. cœlum ad trigonum Veneris dextrum; Sol deniq; ad ipsum Iovem. Profectio M. cœli ad Veneris Sextilem incidit in An. Chr. 1617. 14. & 15. Ianua. Cal. Veteris; Solis verò

ad tris,

ad trigonum Mercurij ac Saturnum ipsum, continget circa æquinoctium vernum. Profectiones faustæ itidem habebuntur. An. C. 1618. circa solstitium hybernum. Item 21. Ianua, &c. Saturnus hoc tempore ex 2. gr. Geminorum M. cælo adversus, demortui alicuius causâ eventum aliquomodo protrahere studebit.

Anno ætatis 60. Chr. 1620. Horoscopus decedens ad 26. gr. Sagittarij, Saturni Martisq; fines contiguos, ægritudinem concitabit calidiusculum, quæ Medici ope facile exterminabitur; Aut si solennes medicinæ evacuationesq; de consuetudine sua, ut par est, non fuerint sepositæ, vix fiet, ut morbi alicuius insultus corporis membra mordicus invadat. Profectio Horoscopi ac Solis extra masculicorum contubernium versabuntur. Transitus Martis in Tauro per Horoscopi oppositum, accidet 15. Aprilis tum in Leone per quadrangulum 22. 23. 24. Augusti: Qui magis observari debent.

Anno ætatis 61. Chr. 1621. Partis fortunæ progressus ad corpus Solis, amplificabit thesauros per munera Regum ac Magnificorum quorundam Dominorum: Quin ex proprijs honoribus idem decernitur.

Anno ætatis 63. M. cælum Lancem Libræ austrinam arripiens progressu ipso, dignitatibus haud mediocriter favet.

Anno ætatis 64. Horoscopus concedens ad Sagittarij finem, ægritudinem minatur, quam corporis lassitudines, defluxionumq; illuvies maximè comitabitur; pedibus gravissima præcæteris, &c. Ptolomæus fines signorum interficere asseverat; quod ipsum multis toties verum esse observavi. Sed quia hîc Venus Sextili radio fortissimè insequendo hunc locum respicit, audacter pronuncio, humani prudentiæ auxilium tamen ferente suum, illum ipsum annum, minimè fore mortiferum.

Anno ætatis 65. Chr. 1625. Sor s procedens ad Mercurium ipsum atq; ad Saturni triangulum, magnam pollicetur hereditatem, aut propter defunctos, possessiones splendidas. Cum enim Saturnus tam fortunatus habeatur; impossibile, ut hæc dire-

Etio ociosa futura sit. Sic Anno Christi 1627. Sol ad trigonum
M. coeli progrediens bona quæq; iterum promovebit.

Anno ætatis 70. Chr. 1630. Sol decedens ad Sextilem Ve-
neris sinistrum; Horoscopus item ad Sextilem Veneris dextrum.
tempus designant honorificentissimum, in dignitatibus, in possessio-
nibus, in nominis celebritate, in beneficijs quibuscunq;. Idem

decernit ferè Sortis progressio ad Sextilem Iovis dextrum,

incidens in An. ætatis 72. quæ etiam dona regalia

obnunciat ex terris longinquis. Sed sa-

sis superq; de hactua perquam fes-

lici genitura. B. V. Anno

1593.



COMMEN:

COMMENTATIVNCVLA
DE ANIMA MVNDI ET SPIRITV
VNIVERSI.

Mundus est sistema corporum cœlestium ac terrestrium, constans ordine, numero ac mensura, sed vivum, animatum, intellectuale. Pars definitionis prior ex sacris literis est manifesta: posterior constat ex Platone, non tamen sine rationibus apertis. Vbi dicimus sistema vivens, designamus vitam quandam naturalem, per mundi corpora sparsam, und cum mundi corpore extensam, mobiliterq̃ agentem. Vbi vero dicimus animatum, significamus ipsam animæ mundanæ substantiam, cuius essentia quidem & indivisibilis est & immutabilis, ut intellectus. Dicit tamen potest quodammodo divisibilis, atq̃ mobilis, quia fons proprius est virium quarundam, ad divisibilia ac mobilia declinantium. Virtus autem actioq̃ partim individua ac immobilis, quatenus congruit cum divinis, & stabiliter agit: partim vero & divisibilis quodammodo, tum quia multiplex, tum quia ad corpus multiplex divisumq̃ declinat: & mobilis, quia temporaliter operatur.

Vbi vero dicimus intellectuale, significamus intellectus angelicos, qui propriè regendis sphæris præfecti & indivisibiles sunt secundum locum, & immutabiles secundum tempus; opposito se modo habentes, atq̃ naturalis vita, formaq̃ corporea divisibilis atq̃ mutabilis. Hos ipsos intellectus angelicos in mundano corpore inesse necesse est, quoniam mundi corpus per vitam paratur ad intellectum. Ergo quemadmodum se habet ad vitam, similiter ad intellectum. Itaq̃ sicut non solum habet naturalem vitam in materia mundi iacentem; sed vitam etiam animalem, id est, animam in se existentem: Ita non modo habet intellectualem.

lectualem qualitatem infusam animæ; verum etiam intellectualem substantiam in seipsa manentem. Vbi enim qualitates certæ ad certas substantias reducuntur; ut quemadmodum Vitalis qualitas ad Vitalem substantiam; Ita intellectualis quoque qualitas ad intellectualem substantiam referatur. Sed de his agamus etiam explicatius.

Mundi corpus totum, quoddam corpus est, ex totis quatuor elementis compositum, cuius particulae sunt omnium animantium corpora. Nam animalis cuiusque corpusculum, mundani corporis particula est. Neque ex toto ignis, aeris, aquae, terrae elemento: sed ex horum elementorum quibusdam partibus componitur. Quanto igitur totum pars melius perfectius est singulorum animantium corpore. Absurdum hinc eas vadi, imperfectum quidem corpus habere animam, sed neque animam habere, neque vivere perfectum. Nemo adeo demens erit, ut partem vivere dicat, totum vero neget. Vivit igitur totum mundi corpus, cum animalium corpora, quae partes illius sunt, vivant.

Sed cum unam oporteat esse totius animam: iam quaerendum, qua in mundi parte illa resideat, Spiritumque suum per singula unde distribuat, distributumque conservet. Non sedem tentoriaque sua figit in corporibus, variae mutationi, ac multiplici corruptioni subiectis, ut sunt elementa, atque elementata corpora. Quapropter cum in caelo nulla sit corporum corruptio, ibi profecto est ea collocata. Ac quamvis in caelo illa quoque elementa habeantur, sed purissime sive spiritaliter: Attamen igneam naturam in eo dominium obtinere, manifestum est: Vti in hac inferiore mundi parte elementorum principatus penes ignem manet. Hoc ipsum in corporibus nostris plane patet sensibus. Multo magis vero cum ignis nullo modo putrescat, nullo modo corrumpatur, licet multoties alia corpora corrumpat, in exuperantiam ubi abierit:

Ceterum

Ceterum idem terram, aquam, aërem, materiam quasi quandam sibi à natura habeat subiectam, in qua ius suum exercet. Ipse Aer, & terras ambiens & aquas, à quo fovemur ipsi, & spiritum haurimus, ita quidem superno ab igne afficitur, ut modo calor in eo exuperet; modo tenuetur adeo, ut de statu suo decidat, ob caloris peruriam, atq; à frigore eijciatur. Tales itidem impressiones à superno igne traduci videmus in aquam terramq; ut modo in excessum aliquem feratur natura eorum ac qualitas, modo in defectum: Cœlesti illo igne in statu integro permanente. Quocirca cum in cœlo resideat mundi anima, in ignea substantia vigere eam necesse est. Est enim cœlum essentia ignea, sed temperatissima, purissima, lucidissima, incorruptibilis.

Neg. nos turbabunt, qui negant cœlum igneum, quod cœli motus sit circularis, ignis verò rectus. Nam quod ignis hic noster, peregrinus ille atq; impurus, recta tendat sursum, locum certè proprij atq; naturalis ignis veneratione quasi quadam petit. Non tamen ita etiam igneum aut calidum cœlum statuendum, ut sit urens atq; æstuans. Quominus alienæ materiæ miscetur ignis, eò minus urit: quod ipsum cernitur in accensione olei purioris, inprimis vero olei ex auro artificiosè extracti; quod testantur veri Alchymistæ, ut & oculi humani ipsi aliquando experiuntur. In cœlo igitur cum non adsit materia quædam, à cœlesti natura aliena, nulla ibi fit adustio, nullus quoq; æstus. Cernimus nos in Cometis, per Sphæras cœlestes discurrentibus, non adustionem, sed illustrationem aliquam; procul dubio, quod materia illorum de cœlestium corporum naturâ multum participet. Sed hanc rem, à larvata peripateticorum schola valdè alienam, ex infallibili observationum ac demonstrationum elegantia, plenius nobis mox referabit TYCHO ILLE BRAHE, Danus, vir Nobilis, Astronomus ac
N Philoso,

Philosophus hoc seculo incomparabilis. Quod autem ex Solaribus
radys, per speculum collectis, materia aduratur incendaturq; opposita:
Id generatio est caloris atq; ignis subita, coalescens per flagrantiam
radiorum collectorum in speculo, & in materiam idoneam trans-
missorum: quæ alterius sunt disputationis. Quidam cæli ma-
teriam aëream malunt: Sed quia lux illius ignis est propria, aërem
etiam ipsum collustrans; rectius est meo quidem iudicio, cæli materiam
statuere igneam. Præterea cælum sedi divinæ atq; DEO ipse
proximum est. Non tamen ut Deus non sit ubiq;. Dicitur Deus lu-
minum Pater, apud quem nulla est transmutatio, per quam extingua-
tur vel minuatur: neq; vicissitudinis obumbratio, per quam vicissim vel
subeat noctem vel patiatur Eclypsin. Deus est lux, in qua tenebræ
non sunt ullæ, b. e. forma, in qua nihil est informe; formositas, in qua
nihil est deforme. Ut igitur Deus est lux invisibilis, infinita, veritas
ipsa, veritatis cuiusq; rerumq; omnium causa: Ita divinæ lucis splendor
vel potius umbra, est lux cæli, visibilis, finita, causa visibilium. A
cælo enim universus mundus lucem vitamq; accipit. Mose, Aaron,
Nadab, Abihu, & septuaginta è Senioribus Israelitarum, aspexerunt
Deum Israelis, & sub pedibus eius velut opus pavimentum Saphyro,
& velut corpus ipsum cæli Nitore, &c. Exodi 24. 10. Vnde non ab-
surdè dixerimus, si DEVM luce sua ex cælo ac Sole nobis ita lu-
cere dixerimus, ut candela per vitrum lucet atq; fenestras. Ali-
ter rem hanc, ob eius maiestatem inscrutabilem, explicare vix
possumus. Est igitur animæ mundanæ sedes in cælo ac cælestibus
corporibus.

Cælestia igitur corpora animata esse, rectè hinc concluditur.
Absurdum namq; esset, vitam animamq; negare in Cælo ac Stellis.

quæ

quæ ipsa vitam animamq; inspirant his inferioribus corporibus, etiam vilissimis. Vitam dant plantis, quæ vel corporali semine non nascuntur: ut cernimus per montes ac loca inculta. Terræ quoq; moles aliqua, ex interioribus visceribus terræ extracta, Solisq; radys per iustum tempus exposita, emittit gramen, herbas vè aliquas, non raro etiam arbuscularum germina. Præbent quoq; stellæ vitam animalibus, quæ per coitum non gignuntur. Neq; tam stupidi esse velimus, ut plantas, arbores &c. nobilioris conditionis corpora statuamus, quam sunt illa cœlestia. Ad hæc operatio manifesta ac perennis, ex puro putog corpore provenire minimè potest.

Ex his constare arbitror, mundum habere animam, in cœlo collocatam, tanquam in nobilissima mundi parte.

Sed rationales tamen esse animas cœlestes, animamq; ipsam mundi, atq; esse mentis divinæ participes, ulterius fortè probari desideras. Res obscura non est. Nam si Mundus, (ut Plato ait) ab ipso Bono (h. e. à DEO; quod nos Germani quoq; sic loquimur, quoniam (Gott) aliud nihil sonat nobis, quàm Gutt; si idiomatis rationem, ritè perquirimus) optimus est effectus, quam poterat: Erit certè non solum vitæ, sensus ac rationis particeps; sed etiam intelligentiæ. Perfectio corporis est anima: Et illud corpus est perfectius, quod perfectiorem animam habet. Idcirco si cœlestia corpora sunt perfectissima, necesse quoq; est, ea perfectissimis animabus frui. Sunt igitur cœli intellectus mentisq; participes: quod ipsum Platonici ex consonantijs musicis insuper pulcherrimè comprobant. Cum enim consonantia musica quasi viva sit, & rationalis, & efficax: vitæ utpote quam simillima: animo gratissima: rursus totum sibi hominem vendicet arripiatq; Et, quod maius est, per ipsam factus sit

animus, facta sint omnia: per ipsam conseruentur: per ipsam & moueantur: Ideo haud abs re Plato ille noster animam effectricem, seruatricem, motricem omnium naturalium, præcipuè musicis numeris, rationibusq; descripsit, numeris inquam non mathematicis accidentibus, ut quidam calumniantur; sed idealibus metaphysicisq; numerorum rationibus constitutam. Conventus ille in motu omnino positus est: quoniam per aëream naturam, in motu positam, movent corpus: per purificatum aërem concitat spiritum aëreum, animæ corporisq; nodum: per affectum, afficit sensum simul & animum: per significationem aggit in mentem: deniq; per ipsum subtilis aëris motum penetrat veementem: per contemplationem lambit suauiter: per conformem qualitatem mira quadam voluptate perfundit: per naturam, tam spirituaalem quam materialem, totum simul rapit & sibi vendicat hominem. Consideremus ergo attenta mente, quomodo suavissimæ Musicæ soni animum in nobis excitent, ac quasi duplicent, triplicent vè: Pari ratione statuamus melodiam cælestium corporum, iam ex tardiori motu, iam vero ex velociori, efficere tonum grauem acutum vè: Sed his ipsis sub cælo respondere gravitatem ac leuitatem: frigus ac calorem; rursus humorem siccitatemq; elementorum. Taliter quoq; in generatione rerum se habent materia ac forma: In humanis ingenijs, mansuetudo atq; magnanimitas; temperantia ac fortitudo. Motus igitur ubiq; cum liber sit sua natura, prævaricari facile potest ac per vagari, nisi intellectu menteq; regatur: quæ quidem hoc in loco secundum rei exigentiam ulterius disquirere non possumus.

Præterea absurdum est, nos nostrorum operum habere rationes: Animas vero cælestes, atq; adeo ipsam uniuersam animam, suorum rationes minimè possidere, de cuius spiritu & nos ipsi generati sumus, & vivimus.

vivimus continuo. Si minor mundus anima fruitur intelligenti: tali quoque fruetur mundus maior: Sed hæc longius persequi desinamus: concludentes, Mundum esse sistema corporum cælestium ac terrestrium, constans ordine, numero ac mensura; sed vivum, animatum intellectuale. Vnde sanè colligere licet, Animam Mundi esse vitam quandam unicam, omnia replentem, omnia vivificantem, omnia producentem ac connectentem, ut unam reddat conferretque totius mundi machinam: esseque velut monochordum, ex triplici creaturarum genere, intellectuali, cælesti, corruptibili, reboans, unico flatu tantummodo & unica vita.

(Unitatis mysterium paucis cognitum est.)

Cæterum neque hic auctoritatem prætermittere possumus, tum sacrarum literarum, tum Philosophorum etiam probatissimorum.

Deuter. 4. 19. Non adorabis Solem, Lunam ac Stellæ, quæ impertivit DEVS Scunclis gentibus, quæ sub cælo sunt. Deuter. 28. 12. Aperiet tibi DEVS thesaurum optimum cælum. Deuter. 33. 13. De Iosepho: De rebus preciosis cæli erit tua benedictio; de rebus preciosis Solis, de rebus preciosis, quas Luna quæque protrudit. Præcæteris considerabimus ea, quæ Levit. 26. 19. habentur: Dabo vobis (inquit Iova) cælum desuper ferreum: Non enim terra dabit proventus suum, neque arbores fructus suos. Idem repetitur Deutero. 28. 23. Item Osee 2. 21. Et ego exaudiam cælos, & cæli exaudient terram, & terra dabit frumentum, mustum, oleum &c. quæ exaudient Israel. (Videmus itaque hic, Deum radicem benedictionis mundanæ in cælo ponere, tanquam in anima universi, ita ut à cælo sit benedictionis initium, uti ab anima nostra motionis; quæ per se satis sunt perspicua.) Huc spectant etiam, quæ extant Iobi 38. 33. An cognovisti quid de statutis cæli, an disponere potes dominatum eius in terra? (Dominatus cæli procedit per terrestria atque inferiora quæque; uti dominatus Imperatoris aut Regis, per totum imperium ac regnum:

Ut igitur Rex regni est anima: Ita quoq; mundi anima est cœlum ac stellæ) Item
Iobi 26. 13. Spiritus eius ornavit cœlos. Psal. 33. 16. Verbo
Domini cœli facti sunt, & spiritu oris eius, omnis exercitus eorum
(Quo in corpore Spiritus DEI residet atq; effulget, id procul dubio animatum erit
atq; intellectuale.)

Psalmo 18. In Sole posuit tabernaculum suum Iova: Dies diem
eructat, & nox ad noctem ostendit scientiam: Non sermo, neq; vox
eis (cœlis.) est, & sine his intelligitur vox eorum. In totam terram pro-
deunte delineatione eorum, simul prodierunt in extremitates orbis ha-
bitabilis sermones eorum, ex quo Soli posuit tentorium in eis.

Psal. 89. 6. Confitebuntur cœli mirabilia tua Domine.

Ioan. 3. Inquit Salvator noster ad Nicodemum: Terrena vobis
dixi, & non creditis: quomodo si cœlestia: quasi diceret: Terrenarum
generationum comparationem ad spiritualia iam propono, quæ vobis
sunt obviæ omnibus: Nec tamen creditis. Multo minus igitur creditus
ri estis, si cœlestia simili sermone vobis adduxero, quæ vestris sensibus
non ita sunt exposita.

Soli iustitiæ Christus à Propheta nominatur: Quo usq; hinc Philo-
sophari possemus, de Sole ac cœlestibus igniculis, dici vix potest.

Valde illustris est locus Gen. 37. in somnio Iosephi, qui visus erat
se adorari à Sole, Luna, ac stellis undecim. Parens itaq; eius Iacobus,
magicè hoc somnium exponens, inquit: Num ego, & mater tua, & fra-
tres tui veniemus & te adorabimus? Sciebat igitur sanctus ille Pater,
Solem habere vicem patris, Lunam vero matris, in mundo, mundanisq;
generationibus: Stellas vero duodecim (erat enim Iosephus tanquam
stella duodecima, perinde ut fratrum duodecim) subire vicem filiorum
progenitorum. Intelligas per duodecim illas cœli stellas, signa cœli duo-
decim,

decim, menses duodecim constituentia ex duodenis congressibus Solis ac Lunæ in ijs; ex quibus eorum congressibus annus conficitur, annuæq; generationes finiuntur. Cætera videnda sunt apud cabalistas: Quamvis satis perspicuè rem præsentem enucleavimus.

Non scribimus hæc vanis, hoc est, imperitis ac superbis: sed probis ingenuisq; DEVM eiusq; opera cognoscere indefinenter affectantibus: qui didicerunt, Theologiam esse veram Philosophiam, ac veram Philosophiam esse Theologiam, (mysticam scilicet) hoc est, ut expressius dicamus, ex opere cæli ac terræ, (de quo est omnis probata Philosophia) eiusq; ex sistemate inscrutabili, cognosci DEVM ipsum tanquam ex speculo, quod is sit sapientissimus, bonitatis ineffabilis, æternæ.

Alter auctoritas in nostro negotio est Philosophorum maximorum, puta, Platonis, Aristotelis, Pythagoræ, Orphei, Trismegisti, Theophrasti, Avizennæ, & similium. In primis vero sequimur hic Platonem, Philosophum pietate ac Dei cognitione plenissimum, eiusq; interpretem nunquam satis laudatum illum, Marsil. Ficinum Florentinum; quo superiorem an Italia tulerit unquam, non facile dixerim.

Si quis cælos (inquit Theophrastus peripateticus) vivere dubitet, is non censetur Philosophus: Et qui negat cælum animatum, ita ut motor eius non sit forma eius, totius Philosophiæ fundamenta destruit.

Nec aspernendi quoq; nobis sint Poætæ nobilissimi.

MC. Manilius in proœmio.

Postquam omnis cæli species, redeuntibus astris,
Percepta in proprias sedes, & reddita certis
Factorum ordinibus sua cuiq; potentia formæ,

Per varios usus, artem experientia fecit,
Exemplo monstrante viam, speculataq; longè
Deprendit tacitis dominantia legibus astra,
Et totum alterna mundum RATIO NE moveri.

Idem Cap. 2.

Hoc opus immensi constructum corpore mundi,
Membraq; naturæ diversa condita forma,
Aëris, atq; ignis, terræ, pelagiq; iacentis:
Vis animæ divina regit, sacroq; meatu
Conspirat DEVS, & tacitâ ratione gubernat.

Item Lucanus.

Aëre libratum vacuo qui sustinet orbem,
Totius pars magna Iovis, —————

Et Boëtius.

Tu triplicis mediam naturæ, cuncta moventem,
Connectis animam, per consona membra resolvīs,
Quæ cum secta duos motus glomeratur in orbes
In semet reditura meat, mentemq; profundam
Circuit, & simili convertit imagine cælum.

*Et Virgilius Philosophorum præstantissimorum
non postremus. 6. Æn.*

Principio cælum & terras, camposq; liquentes,
Lucentemq; globum Lunæ, Titaniq; astra

Spiritus

*Spiritus intus alit: totamq; infusa per artus
 Mens agitat molem, & magno se corpore miscet
 Inde hominum pecudumq; genus, vitæq; volantum
 Et quæ marmoreo fert monstra sub æquore pontus:
 Igneus est illis vigor, & cœlestis origo;
 Seminibus quantum non noxia corpora tardant.*

Sed satis de mundi anima: de qua cum iam constet, constabit etiam de eius Spiritu, qui Spiritus univērsi dicitur. Vbi anima, ibi quoq; Spiritus: In Spiritu viget anima, in anima vero intelligentia. Est autem Spiritus univērsi vigor virtutum divinarum, per res univērsas, cuius fomes perennis residet in mundi anima, atq; corporibus cœlestibus. Hac ipsas virtutes appellabat Deos Democritus, Pythagoras, Orpheus & similes alij. Zoroaster divinas illices: Syneus symbolicas illecebras: sed alij vitas, alij etiam animas nominabant. Neq; id quidem immerito. Cum enim anima primum mobile sit, & quidem sponte seu per se mobile; corpus vero vel materia per se ad motum inefficax, & ab ipsa anima longē degenerans: Idcirco excellentiori quodam opus est medio, scilicet quod sit quasi non corpus, sed quasi iam anima, si ve quasi non anima, & quasi iam corpus, quo videlicet anima corpori connectatur. Medium autem tale est ipse Spiritus univērsi, quem alijs quintam essentiam dicimus; quod non sit totus ex quatuor elementis, sed quintum quoddam supra illa ac præter illa subsistens. Talis igitur Spiritus necessario requiritur tanquam medium, quo interveniente animæ cœlestes insint corpori crassiori: Estq; ille ipse formæ talis in corpore mūdano, qualis in humano corpore noster: quippe ut animæ nostræ vires membris communicantur per Spiritum: Ita virtus animæ mundanæ per quintum illud esse dilatatur per omnia.

adeo ut in toto mundo nihil reperiatur, quod eius vivifica scintilla careat. Per hunc Spiritum omnis occulta proprietas propagatur in herbas, lapides, metalla, in animantia, per Solem, Lunam, per Planetas stellasq; aliàs orbis octavi. Et res illæ, quæ copiosorem continent eius modi Spiritum, excellentioremq; eæ manifestiorem celerioremq; operationem perficiunt in nostris corporibus: modo à corpore ac fecibus ritè separaretur. Feces enim nihil prosunt, imò Spiritus ipsius vim penetrantem planè impediunt ac comprimant. Quo sanè respicere debebant Medici omnes, ut vires rerum medicatrices à corpore elementatisq; impuritatibus artificiosè segregarent, nec tam aniliter unà cum fecibus medicamina propinarent ægrotis. Sed laborem illum aut planè subterfugiant pleriq; aut inhonestum ferè existimant, artem illam separatricem ægrotò corpori committentes. Quin tantos quoq; progressus in Philosophia faciunt, ut contra Astronomiam ipsam non raro disputent, ignorantes profecto, se nihil quicquam vel discere vel disputare posse, sine sidereo illo Spiritu, illis ut & homini cuiq; magis tamen minus vè desuper ex cælo stellisq; communicato. Sanè lotus, implicans in se folia antè Solis exortum, sed eo oriente paulatim ea explicans; æquior censebitur erga cælestes duces, atq; hi ipsi rationales homines. Idem de gallo nobis persuadeamus, qui surgenti Soli, ex claustris inferioribus, quopiam quasi hymno applaudit. Sed hæc extra propositum ferè. Diximus, in hoc inferiori mundo nihil inveniri, quod Spiritus illius vivifica scintilla careat. Sed scire tamen qua in Stellis, ac quo in signo Signiferis res quæq; Spiritum suum agnoscat, hoc opus, hic labor est. Tantum tamen hoc in negotio manifestatum est nobis per homines sedulos atq; peritos, quantum humano ingenio atq; labori, ad maiora investiganda

investiganda, satis est. Aurum Spiritum habet Solarem in se. Ut itaq; inter metalla illud est preciosissimum valore: Ita quoq; Spiritum omnimodum alit, rerum omnium crescentium; perinde ut Sol virtutes stellarum omnium possidet. Non mirum igitur, Spiritum illum auri, solertius à corpore elementato si ve metallico extractum separatumve, omnes totius corporis agritudines extirpare. Ratio est manifesta ex ipsa Astronomia. Esse vero aurum solaris Spiritus, alijs rationibus sepositis, testatur astrum eius depuratum, perenni igne ardens, incensum ubi fuerit: Quam rem probè sciunt veri Alchymistæ; & in sepulchris aliquibus tale quippiam constat inventum, quod ultra centum annos ardorem ignemq; suum continuaverit: Vti Sol perpetuo lumine fruitur. Idem metallum non ineptè chaos terrenum dicitur: Quoniam si Spiritus universi, in eo residens, certo tempore ad formam competentem unà cum corpore fuerit redactus, eadem planè præstat, aut etiam maiora, quam essentia illa Solis, tantoperè a variis expetita. Sic quoq; metallis reliquis proprium in cælo atq; perennæ est seminarium: Sic etiam arboribus, plantis, lapidibus &c.

Si igitur res qualibet crescens Spiritum in se alit astralem, generativæ ac seminariæ virtutis fomitem; Multo magis talem, & quidem perfectiorem, in homine ipso statuamus. Talem qui Philosophi ignorant in homine, nihil certi proferre possunt de hominis ingenio, proclinationibus, antipathia, sympathia, de virtute operationeq; magnetica, & quæ huc pertinent: Hinc fit, tam ineptè ac turpiter vel ex volatili aëre rationes Philosophandi congerant.

Tenendum firmiter, duplicem esse in homine Spiritum:

O Z

Alterum

*Alterum à cœlo ac sideribus in generatione infusum; alterum vero à
DEO inspiratum: hoc erat vitæ spiraculum in Adamo, perfectum
quidem illud, sed postea amissum. Factus est primus homo ex limo
terræ, hoc est, ex maiori mundo, ex creaturis sideralibus atq; elemen-
tatis. Unde animam quandam astralem recepit, mundi animam re-
ferentem. Huius obiectum est mundus uniuersus, & quæ in illo ha-
bentur, id est, sapientia mundana, in se complectens artes ac scientias
quaslibet in uniuersum: Genius cuiusq; proprius siue demon tale quid
in homine antiquitus fuit appellatum. Non is planè expers est legis na-
turalis, (hoc est, voluntatis diuinæ erga nos, facta bona præcipientis
ac probantis; mala vero abominantis, ac dominantis) Quia mund⁹ imago
Dei prima: mundi dein, rationem possidentis, exemplar ipse homo. Ac-
licet liberum arbitrium homini insit: Ita tamen inest, ut qualem quen-
quam prædestinatio illa mundanæ animæ formauit, talis quoq; cupiat
velitq; evadere quilibet, naturali instante Minerva. Sic quomodo astris
homo sit subiectus, apertius intelligimus. Hinc morbos etiam plerosq;
atq; adeo vitæ terminum ipsum (in florenti ætate præsertim) ab astris
descendere non negabimus: Cuius rei rationes manifestas, ac multipli-
cem in exemplis experientiam alibi proferemus. Huc spectat tota
astrologia genethliaca. Fundamenta huius ipsius negotij eruditissimè
explicat fusiùs Theophrastus ille Paracelsus in volumine Philosophiæ
Sagacis.*

*Ultra hunc Spiritum rationalem atq; operatricem animam, ex
astris originem germinaq; sua deducentem, aliud inditum erat Adamo
à Deo spiraculum, quod erat vitæ spiraculum; cuius ratione is diceba-
tur imago DEI. Huius imaginis claritas amissa est per lapsum pri-
morum parentum, scintilla eius exigua in nobis superstite: Sed per re-
generationem*

generationem in Christo ad statum pristinum deducenda. Hæc scintilla, mediatore Christo, exardescit in lucem sapientiæ cœlestis; Ea est Spiritus credentium in Christum proprius. Ioan. 7. reyciens, spernens, deridens hæc mundana omnia, non quæ DE I opera (illa si quidem de Deo testantur, qualis sit) sed quæ caduca, quæ instabilia, quæ hominem à Dei conspectu atq; gaudio illo æterno abstrahunt. Hæc sapientia est lucta illa cum carne, eiusq; concupiscentijs, vincens tandem, victore Christo. De hac vulgatum est illud: Sapiens dominabitur astris. Per hoc ipsum dominium nos à charitate caducorum abducimur, transferimurq; in charitatem æternorum: Per hoc ipsum recipimus Christi crucem in humeros nostros, Christumq; sequimur; hoc est, per hoc expurgamus vetus fermentum, carnem nostram crucifigentes cum malis affectibus concupiscentijsq; studentes Spiritus Christiani ferre fructus uberrimos sine hypocrisi, ut est charitas, fides, pax, gaudium, benignitas, mansuetudo, temperantia, ad Galat. 5. Summatim, hic cœlestis Spiritus aliud nihil est, quam fides triumphans per ipsam CHARITATEM, sine qua nullus hominum valet quicquam coram DEO, etiamsi (ut habetur 1. ad Corinth. 13.) angelorum lingvis loquatur; omnem possideat fidem, adeo ut montes de loco movere possit; etiamsi teneat scientias; cognoscat mysteria omnia; tradat corpus suum igni, sit plenus Prophetiarum. DEVS est CHARITAS: Creati sumus nos atq; redempti ex charitate, in charitate, per charitatem.

Charitas in nobis servat mandata Dei. Charitas est vinculum perfectionis, ad Coloss. 3. Charitas est longanimis & benigna: non invidet: non tumultuatur: non inflatur: non agit, quod pudendum est: non quærit quæ sua sunt: non irritatur: non cogitat malum: non gaudet de iniquitate, sed de veritate: Omnia suffert; omnia credit, omnia spe-

rat ac sustinet. Charitas ædificat, scientia inflat: Charitas est maior Prophetijs, lingvis, scientijs; Prophetiæ abolebuntur; lingvæ tacebunt: scientiæ peribunt: Charitas manet in æternum: Qui manet in charitate, in DEO manet, & DEVS in eo.

Iam intelligi licet; duplicem esse hominem: Alium astralem, æternum, seu carnalem, qui animalis dicitur, nec percipit ea, quæ sunt Spiritus vivificantis: Alium vero esse spiritualem sive internum, in regeneratione imaginis Dei corruptæ occupatum. Rom. 7. Pari ratione duplex erit sapientia: nundana sive astralis altera, artium, scientiarum dignitatum, possessionum, rerum caducarum: In qua sola occupantur gentes, Matth. 6. Et cœlestis altera, in cognitione Dei, in eius misericordie ineffabilis consideratione, in desiderio bonorum æternorum, posita. Hæc rectorem alium non agnoscit, quam Spiritum sanctum, per Verbum Dei operantem: illa vero, cælum atq; influentias cœlestes. Vtraq; in homine coniuncta esse potest, qui DEO placet. Sed in quo homine regnat sapientia cœlestis, illa altera famula est, nihil omnino quærit, nisi DEI gloriam ac proximi salutem: quantum quidem electis, sive ijs, quos Pater Christo dedit, in hac vita concessum est. Vbi verò astralis regnat sola putaq; ibi sunt canes ac porci, quibus sanctum dare, margaritasq; obycere, prohibitum est. Vbi demum cœlestis atq; astralis coniunctum habentur in regimine, hoc est, ubi duobus dominis inservire, studemus: Ibi vera est hypocrisis, DEO maximè displicens. Nemo potest duobus dominis inservire. Tales erant Christi tempore Pharisei: quorum iustitiam nisi nostra superaverit, in regnum DEI nos minime ingressuros, Christus ipse edixit.

Neceffe

Necesse erat, illa hoc in loco parum adumbrare, ne Calumniatores inſcy, à vera hac Philoſophandi ratione aut ſepoſiti, aut abhorrentes, anſam arriperent, ſacra miſcendi profanis, & contra: ubi forte hæc improbare aggredierentur.

Porro ut de anima ac Spiritu univerſi conſtat, deq; ſidereo reſe-
 ctore in homine: Ita de quatuor ſenſibus in univerſo, iam ſimus edocti,
 ad quadruplicem vim ſive poteſtatem animæ mundanæ ſeſe accom-
 modantibus. Quatuor numerantur elementa, corpori mundano præ-
 bentes materiam. Quatuor itidem poteſtates in anima mundana
 habentur. Prima, eſt intellectus, in ſe manens immobilis, ſphæræ
 motor ſive rector, ita regendis ſphæris ab autore rerum omnium in-
 ſtitutus. Altera, ſphæræ anima, motor mobilis quidem, ſed mobilis per
 ſeipſum. Tertia, intelligentia quædam, huic animæ à D E O, atq;
 intellectu ſuperiore, inſita divinitus. Quarta, natura, hoc eſt,
 ſeminaria Vitalisq; virtus, ab anima paſſim inſuſa materie. In-
 tellectus quidem & anima, ſubſtantiæ ſunt: Intelligentia vero
 atq; natura, ſunt qualitates: Illa quidem animæ, hæc vero materie.
 Horum quatuor imagines ſunt quatuor elementa: Ignis enim intelle-
 ctum refert, terra naturam, intelligentiam Aer, Aqua deniq; animam.
 Et ſicut tria igni ſunt propria, tria quoq; oppoſita terræ, medijsq; me-
 dia quadam ratione conveniunt: Sic tria intellectui propria, eorumq;
 oppoſita propria ſunt Naturæ: Medijs quoq; media. Intellectus enim
 individuum eſt, uniformis, æternus. Natura dividua, multi-
 formis, temporalis. Anima vero inter hæc media, per intelligentiam
 quidem magis intellectus ipſius particeps evadit, quam Naturæ:

per animalem vero potentiam, cum natura potius, quam cum intellectu consentit. Quamobrem partim individua, partim diuidua dicitur. Item uniformis similiter & multiformis.

Rursus æterna partim & temporalis.

	A Substantia.	A Virtute.	Ab Actione.
Ignis,	Subtilis	Acutus	Mobilis
Aër,	Subtilis	Obtus	Mobilis
Aqua,	Crassa	Obtusa	Mobilis
Terra,	Crassa	Obtusa	Immobilis
	Intellectus	Individuus	Vniformis, Æternus
Anima per	{ intelligentiam animalem pos tentiam	Individua	Vniformis, Æterna
		Diuidua	Multiformis, Temporalis
		Natura	Multiformis, Temporalis.

A Platone hinc quatuor vitæ quoque traduntur recensenturque Saturnia, in intellectu suspiciente patrem suum cælum, id est Deum, cæli fabricum. Iovialis, in intelligentia ad actionem iam mobilem declinante. Venerea, in animali virtute, iam amante materiam. Dionysiacæ, in natura quasi ebria, id est immersa materiæ.

Sed & sensus simili ratione quatuor in universo connumerantur. Primus utique sensus in anima Mundi, communis, inquam, sensus & unus: hoc est, imaginaria quædam virtus, sic intelligentiam eius comitans, & formas rerum particulares attingens, ut illa universales: attingens inquam intrinsecus, ideoque nullus indiget instrumentis, neque extra procedit usquam, neque patitur. Secundus vero sensus in animabus sphaerarum est atque stellarum, communis certe incompatibilisque similiter

similiter, sed extra procedens. Tertius in particularibus animabus, ultra vim communem iam per instrumenta singula distributus, & extra se porrigens, sed desinens in iudicium. Quartus deniq; sensus, secundum Pythagoricos, conceditur plantis, immo sensus simulacrum quoddam, & id quidem stupidum, nullum iam habens iudicium qualitatis, sed in sola positum passione voluptatis cuiusdam atq; doloris. Sensus primus, intellectum representat: Secundus, intelligentiam: Tertius, vim animale: Quartus, deniq; naturalem. Vbi meminerimus, ipsam mundi materiam, neq; aliter suscipere animam, quam per naturam: neq; aliter intelligentiam, quam per animam: neq; aliter intellectum, quam per intelligentiam: Quemadmodum per terram accipit aquam, per hanc aërem, per hunc & ignem.

Iam ad propositum tandem descendentes, sciamus lineas manuum non aliundè proficisci (primo Creatori suum quod est tribuendo) quam ab imaginatione illa maioris mundi, in generatione hominis taliter vel taliter affecta, sed per astra ius officiumq; exequente suum. Vix perceptibile est hoc humano ingenio, quomodo operatio talis signetur in manibus per lineas, cuius vis fatum adumbrantes. Alias imaginatio illa mundanæ animæ prædestinatio dicitur, scientia, fatum. Hæc ipsa in conceptu partuq; ex illius stellæ influentia ius suum exequitur, cuius potestas tum in cælo floret præ cæteris, hominiq; cuilibet genium illum proprium inde infundit: Plures stellæ si executionem illam recipiunt, ex ijs signaturæ quoq; propriæ ac suæ delabuntur atq; exoriuntur: felices quidem aut infaustæ, pro Planetarum aliorumq; siderum affectione in signis ipsis ac cæli plagis. Quæ coniunctiones Planetarum, aliq; aspectus eorum, rarius habentur: Ex ijs per nobiles excelsæ lentesq; fiunt impressiones. Tales sunt coniunctio ac Sextilis ♀ ac ♂:

P

coniunctio

coniunctio ac Trigonus ♄ ac ♃: Vt etiam Iovis ac ♃. ♃ ac ☉. ♃ ac ♀. Trigonus item ♃ atq; ♀: Luna item in angulo quopiam partiliter superputata, nobilis vè stellæ favente radio circumdata &c. Magis tamen minus vè pro cæli plagis significat locis. Accessus fixarum insigniorum illis omnibus plurimum roboris adiungunt. Sic etiam quæ stellarum obtutus in adversum propendent. Quin tam benefica huic scientiæ si vè prædestinationi vis est indita, tantusq; AMOR, ut ad mox futuros instantesq; eventus (quorū tempora in genituris correctis ipsæ Directiones locorum manifestant, per multiplicem experientiam mihi certò cognita) suā signa in hoc vel illo manus loco sæpè præmittat; ut si fausta præforibus esse, ex illis homo fortè cognoverit, ea allicere sibi & amplificare studio possit: Sin adversa, in illis advertendis vel leniendis saltem, velit possitq; esse sollicitus. Et de AMORE quidem, rebus omnibus, cælestibus ac terrestribus, in prima creatione immissibile tamen alicubi adiuncta si vè opposita, integrum volumen esset conscribendum: Vide commentaria aurea Marsili Fici in convivium Platonis de Amore.

Nisi videremus ipsi quotidie, lineas alias evanescere iam in nostris manibus, suboriri alias rursus alia facie: pallescere alias, itemq; alias rubore quodam florescere &c. derideremus ista sanè omnia, tanquam vana ac fortuita. Sed tamen cum varios per usus effecerit artem ipsa experientia, tam audaces ac stupidi esse non possumus, ut eventus aliquos subesse negemus. Causam verò si vè principia, & signaturarum ipsarum & affectionum in ysdem, non alibi requiescere par est, atq; in illa ipsa mutante animæ sentia, per stellas stellarumq; progressionēs, cuius vis hominis proprias, sua quasi vexilla præmittente. Nisi perenni quadam potestate præcedere

hæc imaginatio, scientia, fatum, prædestinatio: non generabitur, non augebitur quicquam: non fient ex invisibilibus, visibilia: ex incorporeis, corporea: non explicabuntur figuræ, magnitudines, colores, odores ac reliquæ signaturæ corporum, si ve copiosum si ve exiguum affluxerit nutrimentum: quia non habent fundamenta, radices, principia, quorum potestate, tutela, patrocinio, in novæ Reipublicæ societatem recipiantur. Qui siti premitur, liquoris familiaris speciem animo concipit: huius imaginationis comes est individuus ipsa appetitio: Et talis imaginatio, appetitu tali formata, sitis est. Huic imaginationi idem est liquor desideratus: quia species, quæ imaginationem formavit, liquoris propria est; & liquor talis imaginationis officio, prædestinationi, scientiæ, fato, satisfacere potest. Quod igitur corpori viro est nutrimentum appetitum: Id scientiæ mundanæ est eventuum aut impressio- num conceptarum atq; signatarum impletio: si ve in bonum, si ve in malum. Hanc rem etiam nobis indigitat laudatissima illa Idea Medicinæ Philosophicæ Petri Severini Dani, viri sanè præstantissimi, scriptoris perquàm nervosi. Hæc igitur, quæ tanta efficit in mûndo per amorem ingenitum inseparabilem vè, etiam in manibus hominum delin- neandis est occupata, significans, quæcumq; homo peragit, ea plerag es- se in manu ipsa aliquomodo descripta. Excludimus hic ea, quæ sunt excludenda: voluntas hominis omni ex parte stellarum decretis non subijcitur: neg; etiam illud, si hodie vescor carnibus, cras vero brassica aut pastinaca &c. Quæ ipsa ad stultorum obiectiones, maturè amoven- das, iam sint addita. Sed si intelligere desideras cur in manu hæc signa reperiuntur, nec fortè in alia corporis nostri parte: Cogites, manus no- stras esse nobilissima membra in actionibus quibusq; perficiendis, esse primariarum conceptionum nostrarum executores, adeo ut si manuum

beneficio careremus per paucos dies, omnes nos perire simul necesse esset. Nostra fata itaq; pleraq; nostramq; potestatem in manibus nostris ut plurimum esse repositam, ipsi vel nescientes testamur aperte, quando complicatis manibus D E O aut homini cuiuspiam nos ipsos supplices subijcimus; declarantes profectò, nos ex nostris viribus nihil posse; hæc fatorum nostrorum vexilla iam complicata (instar bellicorum) nos spernere atq; abicere; illudq; unicum, quod suppliciter poscimus, illa nostra superare, nobisq; satisfacere; manuum quasi Sacramento quodam interposito. Nescio, à quibus hæc talia inter preces seriò considerentur.

Quæri iam potest, cur excellentes siderum posituræ, non semper efforment depingantq; in manibus lineas perclaras. Conspexi ego nobilem virum, cui nascenti omnes septem erraticæ in dignitatibus suis affulsissent: nec tamen perspicuæ fuerunt lineæ in plerisq; manus locis, sed ferè obscuriores. Vidi alium ex Magnatum prosapia, cui nascenti Mercurius, sub Geminorum sidere, in ipso cæli culmine nobiliter steterat: Sed in cuius manu nullam perspicuam signaturam, sed valde obscuram atq; exiguam, hoc tempore eius stellæ locus exhibuisset: Cum tamen illa erratica esset fortis ac fortunata in genesi, & conceptº quoq; tempore: Præterea, Horoscopi dominium eadem possidebat, ac Novilunii, natiuitatem proximè præcedentis, insuper rectoratum. Iam unde eius stellæ potestas ac dominatus, tunc non obscure vigens, fuerit impeditus, quæritur. Iterum quæri potest, quid fiat, quod aliquando diuersitas conspiciatur linearum principalium in ambabus manibus: Vidi ego, epaticam dextra manus in aliquo adhæsisse lineæ Vitali: Sed in sinistra, fuisse eandem remotam à Vitali, notabili spacio: quod etiam in praxi nostra alicubi attigimus.

De his sciendum, à semine parentum magnum non raro impedimentum;

mentum obijci superioribus commotionibus. Aliam profecto semen parentum conditionem recipit, concorditer viventium ac temperanter: aliam vero in discordia aut anxietatibus; præsertim circa conceptum nem. Præterea in utroq; parente est exemplar quoddam imaginationis macrocosmi, utrinq; varias impressiones hinc inde recipientis. Ideoq; quando aliter est affecta imaginatio maioris mundi circa conceptum, aliter vero patris atq; matris, necesse sane est, discrepantiam aliquam hinc suboriri. Sed & maternæ imaginationis impressio quantum possit, partu iam instante, vulgariter notum est. Tam causarum omnium investigatio latet abstrusa. De ijs tamen, apud quos utriusq; manus lineæ duplici facie conspiciuntur, non aliter statuere ac pronunciare possumus, quam esse eos ad duplicem fortunam dispositos atq; proclives, in utraq; partem.

Finem tandem huic nostro tractui imponentes, viros eruditos probe rogatos volumus, ut quæ illis cognita sunt in Chiromantia, usuq; ipso explorata, nostris ea benevolè adijcere non recusent. Fateor, me in praxi alicubi mihi ipsi non satisfecisse: scio, quibus experientie copijs mihi sit opus ad absolutam praxin: scientq; id alij quoq; tale quippiam exarare tentaturi. De anima mundi, & quæ huc pertinent, aliquid subnectere par fuit, tum ne incerta per incerta explicari ac confirmari, quidam temerè proclamarent, tum etiam, ut cœlestium in terrenis hisce lithurgiam & ignorantes & simul deridentes, aliquomodo commonefaceremus, multa paucis compræbidentes, quo exordio gressus firmandi sint in Philosophia, sincera quidem illa, D E O grata, à sacris literis minimè aliena. Vide Lib. Sapientie Cap. 7. ac 13. Apud quos cœlestium lithurgia ab hisce inferioribus manet seiuncta, næ illi Philoſophice lolio victitant. Persuasum habeo, fore, ut lector sciens

atq; ingenuus huic primo meo conatui faveat. Secus si fit, satis mihi
est, censuram sobriam me reportasse apud Consultiss. illos saltem vi-
ros, quibus hoc scriptum obtuli: cuius professionis eamen
homines alij hæc ipsa à se aliena reputant. Cum
inscio ac male volo mihi negocij nihil.


FINIS.


ERRATA.





In præf. A. 2. fa. 2. lin. 4. lege, &
in infimis.
2. fa. 1. li. 12. ferientem.
5. fa. 1. lin. antepenultima cauda.
6. fa. 2. lin. 4. in Saturni monte.
8. fa. 1. lin. 16. dele, &
9. fa. 1. lin. 5. à fine, inexercitatis.
11. fa. 2. li. 3. violentæ.
12. fa. 2. li. 1. domiciliorum.
13. f. 1. li. 3. interijce, exhibens.
14. f. 1. li. 4. tertia
15. f. 1. li. 13. Cap. 37.
20. f. 1. li. 7. à fine, turbans.
22. f. 2. li. 1. interstitio. Ibid. li. 3.
(quidem per eiusmodi lineam incestu
vaticinantur) ad colon lin. 5. reponc.
25. f. 1. li. 15. petite.
26. f. 2. li. 4. illo.
27. f. 1. ultima in Martis cavea.
Ibid. f. 2. li. 3. angularis.
32. fa. 1. li. 4. pro eius l. Veneris.
Ibid. dele lineam quintam ac sextam.
35. fa. 1. li. 4. à fine, interijce, (ac-
commodationes aliquas)

36. f. 2. li. 13. aspectu?.
Ibidem li. 19. clarissimis.
37. f. 2. li. 2. interijce, vario?
Ibidem lin. 19. facie.
39. f. 1. li. 17. proclinant.
40. fa. 2. columna priori: lin. 24.
l. Trig. 8. 0. Libr.
42. f. 1. li. 9. sequiturq;.
Ibidem lin. 16. Accedit.
43. f. 1. lin. 8. calidiusculam.
Ibidem lin. 27. humana.
44. f. 2. lin. 10 & 11. l. Quanto
igitur totum parte perfectius est,
tanto mundi corpus perfectius est
singulorum animantium corpore.
46. li. ultima, sit.









69 22,
σ.η.α.

